



正誼堂詩集

七言律

鎮江漫興

四首

孤城高枕大江流一片軍聲滿戍樓慣是途窮偏作客可堪歲暮
尚停舟故人零落思吳札新操淒涼半楚囚欲渡竹西歌吹處陣
雲千里壓旄頭

飄飄風雪下雲端倦鳥歸林惜羽翰愧我琴書攜遠道逢人裘馬
向長安數樽別酒千山暝一曲高歌萬里寒不信離愁無寄處射
堂攜手勸加餐

相逢盡是酒徒豪誰向東風問戰袍丁卯橋邊歸路近芙蓉樓畔
暮笳高鄰舟詞客揮吟管午夜驕兵試佩刀行路真難今更甚風
塵車馬尚勞勞

尚有盧循據海中王師駐節大江東波濤直湧南徐白堠火遙連
北固紅萬騎屯雲難下瀨千帆戰艦自乘風昨宵幕府開高譙聞

道將軍已論功

雪夜招諸公讌集

春風入暮透重裘對雪張燈讌舊游梁苑才多工作賦剡溪客到
不迴舟共聽舞曲翻回紇更有明童比莫愁畫角何須城上急樓
船聞已過中流

將往萊州送白筠心過江黃初子入浙

十載蘭臺興會同眼看聯袂入雲中但餘數子歌同調又向天涯
路欲窮半世行藏空遠志片帆搖落任長風神仙聞在蓬萊島子
亦辭家過海東

揚州漫興

蕪城春望送歸朝獨自開樽慰寂寥明月依然楊柳岸好風不度
木蘭橈金鋪珠箔千門鎖銀甲雕鞍萬馬驕借問玉人何處醉營
中羌管和吹簫

訪吳園次宗定九鶴問劉玉少俱不值舟中悵然有作

錦帆春汎廣陵潮惟見晴煙宿柳條文選樓空詞客散竹亭歌罷
美人遙爭迎畫槳誰家苑定倚雕闌何處橋我欲從君留不得神
山蓬島坐相邀

登高郵城樓

連朝車馬駐秦郵極目秦郵城上樓日近齊州看九點雲迴淮水
失三洲東來半是明珠估南去還停下瀨舟獨有行吟憔悴客風
吹短褐自言愁

贈李將軍

牙旗開府自紛紛誰念當時麟閣勳北望空悲燕市月南征猶憶
武昌雲結交海內誰招隱脫劍樽前氣不羣今日邊烽曾未息灞
亭休老李將軍

客興

淮南江北路初分馬首東行日正曛千里關城浮海氣萬山花木
照春雲經過酒肆尋常醉遠近樵歌到處聞何事傷心多涕淚相

逢年少盡從軍

途中贈膠西紀生

漫說天涯慰寂寥相逢猶與其揚鑣君行萬里歸途近我向三山
客路遙薄暮雲橫浮遠嶂雄風入海擁寒潮難禁此地偏分手立
馬同看柳萬條

日照道中示從客

峯過三柱景淒淒馬上行人路欲迷
楚鶴一聲天愈澹洩雲千里
日初低正看古堞寒煙畔難采明珠大海西
我有金鞭君莫惜沽來村酒醉如泥

遙聞玉蚪叔駐節贛榆有寄

聞君奉詔海東頭昨夜乘軒過鬱州
馬首春雲迎使節樽前羅袖拂征裘
三年薄宦誇仙吏千里還家尙少游
我亦天涯同作客敝車羸馬不勝愁

贈卽墨令陳受伯

結綬崑城膠水西使君三載靖鯨鯢
風迴大海驚濤散花擁春城落照低
作賦多才原擅楚觀魚有客正游齊
金門路近行相送回道蓬萊望欲迷

下黃石宮

卽墨勞山

華表峰高鳥道通
僊人樓閣五雲中
泉流玉液松聲細
花滿金庭嶂氣融
黃石往來無定跡
丹霞舒卷自橫空
忽從高處聞雞犬
著屐還登第一宮

上黃石宮
在山頂

遊華樓步壁閒劉孝韻

閒攜樽酒問丹邱
佳氣遙看碧落秋
金液泉流宮觀冷
玉盆峯霽海雲收
平臨大地三千界
疑在羣仙十二樓
欲汎輕槎乘興去
紅霞多處是瀛洲

贈藍青初先生

先生高望有誰同
漢代人文太史公
玉版八傳家乘遠
金門一子賦才雄
筍輿花下消春晝
蓮社尊前醉晚風
我向天涯多涕淚
相

逢猶慰路途窮

再贈陳受伯

年年作客困風塵此日停驂向海濱墨縣花深三月暮錦田雲繞萬家春風流自羨鳴珂令落拓應憐彈鋏人況是長安饑索米日邊遙望更思親

輓侯朝宗

送君歸棹過丹陽從此天涯別恨長鄴苑花飛空弔魏兔園雪盡竟辭梁才華一代俱零落書信前宵尙遠將試問舊時賓客在何人聞笛不沾裳

蔣震青將游北雍有贈

日落鍾山蔣徑開故人攜手漫徘徊家居自擅凌雲賦金盡方思買駿臺七貴交游遲客到五經同異待君裁休爭南北甘陵部太學諸生總異才

楚黃杜于皇過訪金陵寓中有贈

故國江湖不可聞故園兄弟久離羣愁來白下三更月夢去黃州萬里雲縱有高懷難作客莫言才子定從軍今朝攜手青溪寺慷慨悲歌半爲君

寄題宋牧仲古竹圃

卽梁苑地

湘水篔簹愁奈何遙聞名圃勝偏多欽崎雪裏梁園賦瀟灑風前宋玉歌色散千家成遠嶂籟清三徑雜鳴珂他年儻命相思駕應許攜琴載酒過

與張青子

鐵鎖銷沈已十秋每看風物思悠悠當年狎客西園醉此日高朋北府遊人蹋蓮花歸隴塞歌翻桃葉度篁篋可憐一片秦淮月獨與張衡賦四愁

與倪闇公

禁堞烏飛睥睨高華林第宅馬聲驕爭憐庾信多慷慨難向鍾期慰寂寥歌館已饒新粉黛酒徒仍是舊綈袍知君十載鄉關怨回

首錢塘六月潮

聞公家本錢塘

別范亦生

騷壇狎主只吾曹風雨三秋念子勞好會不教看玉玦重逢何用
贈綈袍新書都市千金價別賦江天萬里濤開到黃花須記憶清
樽遲我共揮毫

送宋牧仲還梁園

兔園修竹已重栽依舊春風歌吹臺公子才名傾宋衛賓朋詞賦
擅鄒枚漫遊三閣餘青草歸去雙扉鎖綠苔攜手只今多別恨何
時車騎更南來

柏梁堂贈馬章民

停舟一過柏梁堂漸見平原散夕陽樹色遠浮城郭暗松風微帶
芰荷香共歡河朔逢袁紹忽訝城門索范滂時府檄索章民與子且傾干
石酒悲歌天外寄愁長

儀真文信國祠同諸公和白孟新韻

揚子江頭丞相祠行人感慨憶當時款兵諸使新歸命拜表孤臣
後出師浣浦誰爲馮氏女深山無復趙孤兒南天一旅傳消息便
戴黃冠志肯移

寄贈巢五一再舉進士

高樓復得上林枝偏爾文章遇較奇剖玉何須三獻後驚人不在
一鳴時行看奏事含香近莫厭爲郎執戟遲醉後看花經過處曲
江當日有題詩

寄贈葉白泉先生用來韻

西京耆舊幾飄零何處江湖混客星亂後邊城初解甲歸時穉子
已成丁愁來故國頭先白涉盡窮途眼易青醇酒一樽君更醉移
文好報北山靈

留孫嘉客陳曉江徐原一小集

入市悲歌酒漫沽相逢俠客半窮途馮驩造謁餘長鋏劇孟交歡
有博徒試聽齊竽人盡濫曾歌郢曲調偏孤與君痛飲須投筆聞

道雕蟲不壯夫

足疾復發詩以解嘲并示許士

抱膝沈吟賦索居秋來高枕出無車趙姬任向樓頭笑魏將終看
樹下書客餉壺樽跌坐便壁圖山水臥游虛何人猶自拖珠履躑
躑侯門漫曳裾

送馬升書之江西

春風倦羽各差池攜手還傾酒一卮別賦送將南浦去漫遊安用
北山移城頭月落驪歌早江上花明雀舫遲但慰諸生迎絳帳欲
聞長笛更何時

之燕

萬騎南來白羽飛恩恩遊子試征衣一時賓客離歌短二月鶯花
去路稀欲賦帝京憐落拓遙思親舍每瞻依聲名未到燕臺上且
插雕翎射大旗

贈章武謀偕宗季之燕

機雲兄弟共聲名今見聯翩入洛行去路堦簾聞唱和舊游縞帶
話生平桃花日暖仙舟麗楊柳風輕畫浪明獨愧敝裘同作客燕
臺欲望不勝情

至揚州知有託予姓名謁當事者因賦一詩

儒冠岌岌愧將迎千里蕭條負策行我自難逢安邑令人今偏借
季生名江天雁去悲鄉井野戍花寒傍甲兵不爲潞河親舍在扁
舟何事過蕪城

揚州讌集予以母安人泊舟關外先別諸公

高齋賓從盡多才重會昭明文選臺座上詩成爭擊鉢客中花發
勸銜杯還邀公子觀濤去驚見名王浴馬來將母恩恩應在側誰
憐岐路正徘徊

擬乾清宮應制二首

帝城佳氣鬱蔥蔥玉殿金蕙霄漢通鸞仗遙臨迴侍史蚌珠初獻
識仙翁歡聲北闕三呼外霽色西山一望中更藉叔孫能議禮無

人擊柱未央宮

丹楹青鎖玉雕櫳萬戶千門複道通天上書來看集鳳殿前人到
欲當熊觀書夜罷長楊火按轡晨迴細柳風將作經營勞 聖眷

賜舖何止大司空

家君以郎官遇宴

觀荷蘭國貢使

熏絃風動徧方垓正朔遙承望闕來萸萸廷階荒服驗葡萄宮館
上林開舞餘名隸龜茲部炙罷香浮服匿杯歸路莫愁鄉國遠天
恩還賜指南迴

都門贈周御史文夏

秋風策蹇薊門行路到艱難累友生欲避早從驄馬下將搏更覺
卓雕輕袖中霜簡傳聞闔天上瑤妃識姓名時侍御奉詔選嬪羨爾飛揚
官早達相憐猶有故人情

答戚价人長安見寄時在潞河

逢人只是勸彈冠如爾何妨少一官漫爲空羣來冀野翻教索米

徧長安花明旅館愁中落日照家園夢裏寒況是風塵徒步客歸
心那不託漁竿

扶櫬野泊

纜動孤舟白旆移蒼茫野哭竟何之曾爲公子衣猶葛纚作孤兒
鬢已絲十載誤看遊俠傳三更愁續補亡詩那堪矯首南征雁鍛
羽凌霜去路遲

唐戶部采臣訃至

轉漕百萬潞河中曾與先君宦績同再見輓歌傳左輔更教時論
惜司空靈旗先後歸南土旅魄因依怨朔風我爲思親偏感舊蒼
茫雙淚不禁紅

送汪次華歸西江

昔年花落送歸艇今歲逢君又落花舊夢每隨湓浦浪新篇看似
錦江砂來停夜月青絲絳去跨春風白鼻騮後會可邀君莫悵只
愁蓬鬢有霜華

送鄒生緯文之京口時在子門受業因嗣父殿撰襄事故有此行
尊君才望漢相如歎息空遺封禪書弓冶未傳全賴汝蓼莪方廢
并愁余須知世事占金虎早藉君恩葬玉魚北固江山看莫遍
歸來霜露及秋餘

將往荆溪先寄陳彬友曹渭英儲天玉諸生

玉女潭虛度遠鴻銅官深處桂花叢秋高始憶登臨好病後偏餘
興會同白社儻成招便入絳紗雖設坐猶空看山今與諸君約莫
爲飄零畏晚風

嘉興別黃觀只

煙雨樓邊起暮風扁舟乘月過黃公樽前坐滿春申客膝畔人如
江夏童十載文章推獨老一時樽酒失羣雄遙憐別後思君處前
路丹楓白岸中

家帷孺湛思綺莊招同陳芮兩生及龍門諸子爲南潯讌集

何事青絲纜未開南潯古道漫徘徊弟兄行酒依金谷家世傳書

共玉杯雁羽差池思再集龍門高敞幸同來行行不過苕溪道好
待飛鳧去復回

酬姜御史匯思

君隨仙仗值春坊又拜中丞出建章海上熬波邀玉節

先巡淮鹽山中

叢桂賦銀牀別來款話情如舊移到新篔簹味更長只有愁懷難慰

藉相看同是素衣裳

湖上贈張無近給事

會居樞密舊多愁賦罷瑯琊事遠遊十日爲歡公子酒五湖隨意
大夫舟月明共對吳山曉風起誰憐紈扇秋獨料君恩還自厚不
教絲竹久淹留

飲陸麗京齋中同宣城劉望之就宿

海內人文陸麗京一時羣從盡知名開樽那有尋常客傾蓋還申
甲乙盟南宋宮城秋正晚西陵松柏夜偏清獨留二子聯牀臥無
限當年起舞情

留夔州

小飲寓中有贈

虛逢嬌女浣明紗
汎宅浮家任海槎
有徑難栽陶令菊
無田可種邵平瓜
騷壇跋扈才猶健
相業蹉跎鬢已華
但把青樽隨處醉
聞歌莫便憶三巴

孫嘉客置酒顧修遠寓中話舊

無端分袂又三年
吳山吳水隔一天
往事不堪愁裏話
新詩何意曲中傳
逢人每問孫賓石
知己猶推顧彥先
今夜西陵同聚首
酒闌歌罷各淒然

贈張方伯兼示韓聖秋許天玉周茂三

日日亭山興會同
清狂時醉綺筵中
賦成鸚鵡人無恙
彈到箜篌路未窮
數子才名差自許
千秋評論定誰雄
緬懷身世渾多故
努力還期令德崇

兩訪丁綉夫不值

聞道丁郎玉樹姿
翩翩才調更多奇
因過荀令留香處
欲誦吳均

別體詩市上璧車晨
出早月中丸髻夜歸遲
頻來不見多惆悵
況值吳江楓落時

贈吳漢槎丁綉夫

熏香傅粉坐春風
年少才華二子同
漫說秦珠分大小
難將豐劔別雌雄
吳均詩體高江左
丁屣聲名滿鄴中
珠玉當前慚吐鳳
論文敢說腐儒工

雪夜送芮生歸宜興

登高一望雪嵯峨
送爾扁舟下大河
別曲不愁高調少
交情較比昔年多
千門曠騎環銀戟
百里寒隄帶玉柯
此去最憐行路客
梁園何日擬重過

懷章公訓山西

到處山光碧數層
客中風景思難勝
太行雪盡秋懷早
少華雲開曉氣澄
岐路悲歌憐阮籍
故人書札報徐陵
登臨應動歸來興
莫遣高堂病欲增

爲黃大家孫氏作 文介公妹

當筵應與勸加餐生長高門薄綺紈
踵筆班姑成漢史隔紗韋母
授周官淒涼舊柱關心聽大小明珠入掌看今夜明河鳩鵲聚尙
留青鳥下雲端 七夕爲其初度

七夕和蔣槎長韻爲晚唐體

玉清天譴已難奔此會年年尙是恩
織錦豈憐人抱布服箱靈慮
婦無禪萬緡負舊休相訴一夜柔鄉未便溫
縱說歡期今歲近河橋握別自銷魂

後七夕再和前韻

一年一度許宵奔此夜歡娛始是恩
鳩鵲再逢綉氏鶴錦梯仍雜
阮咸禪愁堪寄處期猶近別未多時語
易溫况復秋宵今更永莫如前度早銷魂

送范赤生令綏寧

逢花對酒漫留連惆悵今朝是別筵
重溯舊遊踰十載更期後會

越三年邊城里社分黔國驛路江山盡楚天此去鳴琴應奏最風

塵卻使故人憐

綏寧古黔中地今爲湖廣邊縣

聞道苗民闐闐間向南都接武陵蠻巖疆險阻應難料聖主恩威
及早頒盤錯得逢才易見絃歌雖起吏難閒知君開濟心原切莫
羨雙鳧任往還

驪歌欲闕更飛觴珍重爲君手自將五斗乍邀羈薄宦一樽初盡

卽他鄉別時顏色愁堪記亂後催科緩不妨此後相思如見夢縱

無花在亦難忘

綏寧有記夢花

正誼堂詩集七律之二

正誼堂詩集

七言律三

秋村雜詠同庸菴固菴風山仲震瑯琊卓人雲孫訐士賡明二應
作十六首

天河

遙連南北互東西箕斗微茫列次齊碧落輕浮銀海直素暉斜轉
玉繩低虛傳駕鵲期難問便許乘槎路恐迷野老關心占候切獨
憐米價賤如泥俗以天河隱見之期占米價

露

花花葉葉正離披冷液沾衣醉不知濃著月華添有色暗流膏澤
本無私金盤漫貯仙人淚珠樹空吟令僕詩多少秋懷沾滴裏朝
來動有百年思

雁

紫塞黃雲萬里來蒼蒼蘆渚漸霜摧羣過衡嶺書難問唳入湘絃

調正哀翻爲有聲添寂寞縱當無影費徘徊天涯兄弟年來聚好
避虛弓處處開

桂

濃香著意向人浮此樹婆娑八月秋金粟雲飄仙界迴銀牀露溼
小山幽入林遙想秦時郡泛醴應乘楚客舟坐久卻疑香轉淡夜
深還映素暉流

月餅

風俗年年兆合歡常將是物勸加餐甘分禁內紅綾餡圓映天邊
白玉盤膩粉層勻肌理薄輕花碎落雪霜攢秋來景色今宵好攜
向三更仔細看

菱

莫恨芙蓉造次摧稜稜芳菱滿中隈秋風葉冷衣堪製曉日花明
鏡欲開賦入吳都當日重采經隋港幾時回東郊半畝方塘在也
自年年刺艇來

城東有隋宮
人采菱港

蟹

新成曲斲置河干早逞雙螯上急湍芒稻遠輸筐實滿水犀爭勁
甲光寒充庖莫待門生議勸學會參爾雅看斫雪含黃頻點酒籬
前況有菊英餐

菊

歷歷黃花滿槿籬茱萸相閒更參差餐將秀色何須落蘊得微香
漸不知每接高朋欣對酒況逢佳節好吟詩翻憐陶令歸來後消
受霜華已較遲

糕

饋食登高風俗齊粉糗餌更堪稽若教周禮曾經注未必劉郎
不敢題賜出內家隨法酒製同寒食羨香餠玲瓏花鹿盤中繡羸
得兒童處處攜

蟬

田家月令記寒蛭咽露含風暮復朝薄影未銷神女鬢輕綉欲傍

漢臣貂絃中激調驚螳臂林下清商出柳條遺蛻儻隨仙羽化飛
飛應得笑扶搖

蟋蟀

泣露吟霜斷復連聲聲淒切正愁牽每當午夜尤難聽動想千秋
遂不眠妃妾金籠娛枕畔相家玉腕鬪堂前由來唐宋江山永爲
爾傾亡劇可憐

笛

爭知伎樂散扶風猶有龍吟出帳中漸近自然兼竹肉每當幽絕
想崆峒烽消不遣軍聲亂石裂應須越調工高踞胡牀閒弄罷梅
花楊柳徧秋空

香圓

橘奴何必種千頭顆顆勻黃此更優形較月圓長不仄香非風送
覺偏幽閒供玉案邀青眼細攪銀絲入碧甌鄰父慣知珍重意多
情常共木瓜投

木芙蓉

拒霜華木更含英不讓荷花獨擅名龍燭誤傳曹植賦錦官猶記
蜀王城千層綺結三秋麗五色屏開兩岸明只有愁人舉不得恐
驚搖落倍傷情

稻

今年雨澤降偏濃倏見穰穰慰老農徧野黃雲隨早穫比鄰青火
急新春正謀家食休看易儻索官逋敢漫供不識可餘鸚鵡粒少
成清釀禦三冬

馬

黃金聲價向誰爭玉勒珠羈滿帝京上駟儻教當後勁中途莫便
棄平生久閒驥足才逾健漸老龍駒氣更盈何日燕臺重市駿秋
風矯首試長鳴

吳錦雯之任蘇州枉顧索詩余在荆溪未晤歸寄此詩

著作名山有副函借才今已到江南迎車茂苑花千樹放棹毘陵

月一潭歸見衡門題作鳳詢知前日過停驂詩名十載慚余忝欲
寄吳均恐未堪

同卓人雲孫曹生渭英坐溪邊小閣望月限韻

同遊三子舊爲龍繡虎才人亦過從露溼銀牀浮桂樹舟隨畫浪
入芙蓉登樓逸興應難減繫馬清歌喜共逢無限秋暉臨水檻徘徊
不覺度疏鐘

七夕招諸子小飲限韻送卓人之燕

池館芙蓉動晚風微涼新入綺筵中闌干星斗銀河碧髮鬢鍼樓
蠟炬紅十載弟兄看漸老一宵樽酒未全空明朝又聽驪歌發天
上應憐別恨同

送法上人還山

橫海樓船處處驚何人閒嘯倚高情青山舊得支公買白社新從
惠遠成雨散諸天龍臥穩風飄一葦雁裝輕獨憐倦客多秋思偏
在愁中送此行

秋來同諸子招康小范范赤生讌集

秋來早見雁成行客至同登君子堂風動柘枝迴綺席月浮桂樹
冷銀牀諸公高會偏能健舊侶重逢每共傷醉後不堪追悔處當
年曾入鬪雞場

送南昌陳伯璣往山陰訪宋荔裳副使

纔把清樽話昔遊旋聽落葉動離愁過江應見軍書急草檄將從
憲府投路入山陰休轉棹病如王粲莫登樓時伯璣甚病使君萬一猶
垂問爲說孤帷正敝裘宋爲先君同年

贈張芑山二首

芑山流寓南中在先朝末年幾罹黨禍會易代至溧陽相賜玦
後交遊淪落客路頗窮近被糾叅焚毀舊刻坊賈不復求書益
致奇窘其子爲池陽贅婿又不得西歸頃來訪謝使君石臞過
晤有贈兼寄示陳伯璣

當年爭望李膺舟時譽曾推第一流詔下東京傳黨錮軍臨南國

動鄉愁窮途對客空青眼愛子依人易白頭忽漫相過驚歲莫霜
風蕭瑟尙淹留

憐君老大更依劉未免樽前賦四愁草莽遂煩明詔譴江湖還係
聖恩優同餐脫粟人何在曾到玄亭客不留醉罷傷心回首望
豫章春水木蘭舟

寄玉蚪叔

幾載皇華使節馳親承 天語下彤墀新乘驄馬都人避舊歷冰
霜 聖主知玉几傳宣封事密金門休沐漏聲遲憂勞獨抱匡時
志容易東山便賭棋

送十六弟子康公車

爭誇愛弟有清河年少先看洛下過柳拂玉隄憑射札花交金鎖
待鳴珂定知北闕春風早儻憶西堂午夢多獻策一當 英主意
好傳消息慰蹉跎

喜緡峯姪遷兵部員外有寄

量移領得古秦州海嶺天涯幾宦遊得入朝班應有喜莫嫌樞密
慣多愁含香畫省堪擲筆執戟甘泉好借籌天上儻詢癡叔信一
編周易在牀頭

壽冒母

冒嵩少副使妾生子無譽爰及

曾從淚盡落花餘寂寞冰簾冷珮琚片月經天秋意淡雙珠出海
夜光虛目前周顛常行酒日後枚皋早上書更向懷清臺畔望翩
翩青鳥下庭除

遇雲閒德仲兄蒼水弟兼寄兄閩石

華亭震澤片帆風兄弟揮毫賦盡工族望東西裴氏別才名南北
阮家同頻年消息烽煙裏一夜寒暄客舍中把酒相看渾夢寐莫
教回首望征鴻

蒹葭莊看梅和龔仲震韻四首

有序

莊在古茶山爲吳孝廉隱居已數易主者當年泉池澗石亭臺
花木之勝比平泉綠野梅花百餘株高低疏密位置頗宜嘗常

來遊每攜明童冶妓藉草酣歌憔悴以來渺若山河斯遊不再
偶約諸子重過頽垣斷石殊非舊觀且官軍牧馬教場距此二
三里近村古樹多析爲薪獨此閒梅花無恙幸也主人煮酒款
客蔬藿不繼西鄰奚老頻促烹魚頗得幽趣仲震四詩寄興且
約秋來看桂予亦步韻屬成

茶山曲徑遠聞香柳弄新晴半欲黃有約翻嫌前度早重來卻憶
少年狂寒花久待遊人屐芳榭遙鄰牧馬場指點園林無限思幾
回蕭瑟對斜陽

勝遊攜手得羊何埜老將迎意更多香滿青樽拚盡醉風迴白雪
好高歌寺橋疏柳停歸騎漁艇晴湖挂短蓑遣興總堪花底望莫
聽羌笛怨關河

百年時序總關心眼見飛花更不禁石尉故園珠欲墮銀牀舊路
草全侵卜鄰漫擬郊居賦望遠誰傳驛使音相對蒼茫吾爾在側
身天地且高吟

隔岸頻呼送酒人百壺傾倒恰初春儘堪盡日聽黃鳥況有盤餐
膾素鱗花接西莊猶爛熳詩留東閣更清新秋風叢桂還招隱休
爲愁多老此身

爲秦對巖祖母于太夫人作時對巖奉假歸

初聞仙樂奏氍毹爭道高堂福德殊家本于門容駟馬世誇秦氏
出明珠花開人日觴初進綵曳宮袍舞更娛兩代承歡原盛事況
逢 天子念桑榆

丙子三十取酒爲壽二首

憐君十七蚤來歸十四年中百事違補盡敝裘人漸老收將繡祿
淚常揮時失西兒高賢每過能捐珮小婦初迎擬共闈記得明朝君誕

日爲君沽酒御金徽

感君早晚侍高堂潞水迢迢更遠將食性久諳餐屢進笑顏時接
話頻商休憐喚母人先失謂西兒猶喜稱卿日正長欲祝高堂因祝
爾萊妻常製綵衣裳

寄陸桴亭

新來秋水過吾廬相贈河汾一卷書坐處好風隨客到別來明月照人虛當時漫許同蓮社此日遙聞駕筍輿四十九年渾易過談經能不念三餘時桴亭

龔仲震丈來宅後某氏看菊有詩索和限第五六句以菊名寄興率爾有作兼呈諸公

客到還憐此會遲吾廬偏自近東籬舊遊頻得尋常債新思繁如爛熳枝色擅臙脂看欲得夢隨蝴蝶見猶疑年年稻蟹江東熟且向花前倒接籬

仲震負累出門

爾去吹簫乞向誰蒼茫歧路不勝悲秋風別燕歸無計夜月唬烏愛莫推醉裏山川渾放眼夢中妻子欲顰眉桃源亦在人間世恐有漁舟遂遠追

懷仲震

憐君此去意難勝似鳥驚風避羽矰豫讓形容人已識趙岐名姓世偏憎誰家酒熟曾留醉何處樓高不倦登更憶出門猶衣葛秋風多恐病逾增

得仲震宜興消息

經旬相憶淚汎瀾南望頻歌行路難乍有尺書通問訊始知逋客幸平安任君青頗重蘭臺聚吳札謹還聯綺紉歡羨爾窮途多慰藉扁舟予亦指銅官

賡明歸再悉仲震客況

昨夜陳生陽羨來言君曾與其登臺玉潭雲霽時停望銅嶺風高每賦哀賴有吾徒頻適館頓教危俗盡憐才相思莫便消魂盡萬一秋深對舉杯

喜仲震歸訪

何人日暮更披帷不信逋亡客早歸握手頻看顏未改論心已醉淚重揮爰書容易求開網步障偏難望解圍幾欲共商籬下事臨

歧仍恐復相違

訪仲震

北門一出已天涯誰道歸來興頗賒倉卒樂頤猶進飯蕭條顏巷
又停車中年結客無游俠昨夜當筵有咄嗟一事便知身漸老近
來羈旅易思家

訐士因歲輸註誤被議徵赴西曹檄督甚迫余爲愴然有贈冀得
邀 恩曠蕩兼慰一時同事諸公五首

平生落拓藉交親每把飛騰望故人見說朝廷方議譴尙疑消息
未全真煌煌 天語頒新甲烈烈霜威及小臣始歎鄒陽今負罪
上書無路欲沾巾

身名幸已託清時竭力輸將未後期豈負絲毫煩對簿略移會計
累然脂權由胥吏文無害令出 君王罪敢辭爾棄一官渾細事
羣情還望 聖聰知

樽前相對且高歌原有山中舊薜蘿便謝班行仍意氣況餘才望

補蹉跎出門行李單車便負郭生涯二頃多爾是達人應自遣高
堂無奈欲愁何

強飯猶堪慰母心德門五世澤逾深料無破卵遺親累只恐援琴
發土音意外過愆休與杖道中寒沍密縫鍼翻愁令子瞻雲處誦
罪難安淚不禁

聞說新恩下草萊更傳飛檄到門催再三 王命嚴無赦萬一
天顏霽忽開往歲金錢仍足額今時舟楫更需才終知 聖世多
寬大寄語羣公漫自哀

走慰雲孫三首

爾是西曹執法臣親從憲府奉嚴綸敢輸歲帑期猶後況去朝班
律更新雲孫假後名重那知人借久令行嘗見客愁頻雉羅縱復
還憐兔末路誰爲感激真

降服居官例可淹苦教陳請到閭閻只因哭墓歸偏決遂比留京
謹較嚴服官止臣罪自甘終草莽子情猶及奠齋鹽知君清夜原

無悔親友矜全誼更兼

北來消息近如何儻促征裘遠道過海內弟兄愁共對天涯兒女

淚偏多同讒半知交聖朝寬大終膏澤下吏憂惶奈網羅他日

然灰仍掌讞急將霖雨作汪波

慰鄒汾亭三首

小時兄弟夙情敦日後殊忘體分尊兩黨俱屬尊行獨父黨為對

酒每思陳俎戲譚經共喜及門存年來與汾亭各開講席平生憂懼龍常屈

世路崎嶇虎欲蹲聞為租庸今代譴故人昨夜有驚魂

自有銅符竟不分只因吾道重河汾誤遭吏議終應雪遙訴君

門尚未聞講帳就寒莊讀易畏途相慰好論文獨愁旅食歸無計

便沐恩波淚更紛

負累辭家思不禁盱衡時世倍關心生徒未散能推算患難相從

自鼓琴事大總憑朝議在愁多莫遣鬢華侵歸來草饌如相對梁

父篇成正好吟

慰孫風山三首

十載甘泉待從餘風山學士舊焚魚公門饒有騰驥足國史猶存

痛哭書自沐君恩憐臥病便將吾道寄樵漁家人生產何曾問

忽有傳言到草廬

潁水箕山一望中桃源身世武陵東未經魏晉人先到幾歎巢由

路亦窮猿鶴驚時琴尙弄雷霆怒後曲方終君王儻謂臣應赦曾

向先皇效讜忠

帝鄉雖好怯閒關解組歸來喜就閒更有蕭侯頒漢律不容謝傳

臥東山長安親舊應相慰故態疏狂定放還莫謂草堂終一出遂

聽蓮漏入朝班

慰龔瑯琊三首

歷落飛揚意氣傾當年二子舊齊名如今每見增三喫謂爾猶堪

試一鳴詔下城門偏不免筮餘龜筮更堪驚龔善瞻天漫道益終

覆忍向秋風送此行

羣公欲別已銷魂屈指交遊爾尙存不道絕流魚殆盡兼聞脫網
兔能奔西堂夢去紅泉冷謂仲北寺冤多白日昏豈是詩才應更
老艱危歷盡好重論

落拓何因亟一官只求捧檄勸加餐未沾薄祿身先累縱慰高堂
淚豈乾行路悲歌憐短缺倚閭蕭瑟望長安來歸儻悔風塵誤借
隱聊承菽水歡時以謁選隸名吏部故較諸孝廉譴更嚴

慰劉惠公三首

劉生飛絕本難羈況屬華堂玉樹枝結客登壇方最少隨兄入洛
竟先馳翻飛似謂官應達罪譴寧知數亦奇卻念雄才會未試那
堪憔悴守東籬

年來家難已頻仍兄弟相期共履冰瘴嶺瞻雲憐素鞵太夫人炎
京懷璧慮青蠅尊公舊遭蜚語累及惠公幾經產破逋猶積再代桃僵力不勝
見說帝閭嚴虎豹將無天路失鷗鵬

天心人事欲如何爾祖當年世澤多近撫鄉邦三日定遙傳書檄

八閩過全城桑梓都無恙炎海鯨鯢幾息波尸祝在人功在國豈
教吾子竟蹉跎

聞諸公得奉 溫諭免赴北行喜而有作

原知 天怒不崇朝果有金雞下九霄此日雷霆真幸免他時雨
露況堪邀彈冠會見隨先後于野猶能慰寂寥晨夕論文欣有伴
謳歌吾亦和衢謠

正誼堂詩集七律之三

正誼堂詩集卷三

正誼堂詩集

七言律

奉寄魏相公貞庵先生三首

元公藻火聖人前捧日扶桑歷歲年獨拜丹書留御座常調玉律
和薰絃兩朝簡命君恩重一代經綸相業全時值太平閒廟算
從容猶得問遺編

學海天人恣遠探飛文揆藻更沈酣集來名士芙蓉府裝就新書
玳瑁函有客流傳從薊北倏時絃誦遍江南陸倕漫把鴻篇定手
握丹鉛恐未堪時彭士報攜先生集來南屬余閱訂

誰將白屋姓名通濫列高齋文選中獎借有心常過厚吹噓對客
每言工龍門託足爭先後虎觀譚經有異同欲向五雲多處問幾
時東閣坐春風

寄贈魏亮采

燕趙由來慷慨敦聞君風度更春溫謝家子弟才名藉韋相詩篇

世業存好士每承開閣意拜官猶待賜袍恩殷懷遙隔三千里矯首雲煙望薊門

補和朱山人師黃移居詩止移門徑遂告客曰移居通索詩及千首

東郭先生逸興多向來倚杖此高歌因耽曲徑移亭榭遂覺幽棲似澗阿幾處編荆添虎落有時拂響出雲和到門我獨題詩晚已見層層覆薜蘿

送彭士報之京

中原數子舊相於懷抱如君更有餘曲讌每傾文憲府監門常在信陵車京江對酒春乘漲官閣分燈夜著書握手那堪聞折柳雲山北望渺愁余士報為柏鄉魏相公客尤善公子亮采迪修與余同客京江吳少府冉渠公署

贈何雍南程干一兼懷同志諸公

吾愛何程迴絕倫雄懷傾對大江濱文章論定誰千載天地中間此數人款話高齋忘病去結交末路覺情真天涯更與憐同調日日山頭遠望頻

劉航石令公同吳星子許傳舟及開上人登馬跡山望太湖有賦

索和原韻

仙令舉帷曉渡河閒攜二仲訪煙蘿僧逢絕頂拈花墜吏散前溪避鳥訶望去澄波三郡合數來浮黛幾峰多登臨好把吳都賦何必西京羨馭娑

題蘇母績課圖

畫圖何事覺相親我亦當年膝下人每侍篝燈勤緝畫常將書卷慰艱辛夢來此景憐如舊看向高堂羨獨真髮髯敬羨遺訓切好教珍重百年身

送僧梵伊結茆錢唐時初聞陸麗京祝髮黃山消息

聞道錢塘陸麗京忽從天竺古先生懷人我自停雲望避地君方杖錫行到日茆齋成獨寤異時詩卷向誰評移文好寄黃山去邀取歸來伴月明

楊僉事青巖以紀年詩索和原韻率爾賦呈三首

先生歸後幾逢春花下時時嘯詠頰白社儘堪酬况瘁青山原不
負經綸還嫌捷徑邀雲護早謝機心避鳥鳴翻覺當年疏太傅白
頭解組尙逡巡
落落乾坤一草庵長耽煙月未云貪欲稱頤壽纔過半漫說分齡
不啻三園綺相期名尙在羲皇若晤夢猶甘新芻麴米春來熟筍
屐籃輿到處酣
聞君北野屢開樽花萼相輝弟與臯千里名駒看驥子一庭新幹
長龍孫交遊况復追金谷偕隱還堪傲漆園先日登堂誰不羨好
將通德更題門

正誼堂詩集七律之四

正誼堂詩集
五言排律一

奉寄相國張公用少陵上韋左相二十韻

龍馭初親政薰絃薄海春山河重奠麗天地再陶鈞大業符先聖
訐謨藉老臣儀京看翮鳳入囿得麒麟班范才名舊伊周相業新
平銓鈞在夏朗照鏡縣秦丞相通侯上先生大隱倫高居陪闕里
上客候平津封事傳閭闔儀型表縉紳潛銷青海甲長傍紫微辰
補袞風雲近乘舟日月鄰空羣才盡願畫一法堪遵憂國辭醇酒
求賢獻席珍朝綱今更肅文體竟還淳當日司衡鑑家君起逸淪
心期常道古書到每憐貧賤子殊慚長吹噓亦向人謬稱天下士
不薄爨餘身報稱寧無日升沈會有神敝裘今落拓感激但沾巾

奉贈鄖襄開府趙公

襄陽節

今日官開府文人獨有公自非方略壯靈仗節旄雄楚豫尤難控
雍梁半未通公節制亂餘軍待撫勢遠寇方訖此地藩維重羣生

屬望同長城欣有藉廣廈庇無窮報稱君恩厚盱衡廟算工襄樊
原岷岷江漢自融融列闔雲霄近舉車雨露洪北門驚臥虎南國
集哀鴻帷幄休橫槩巖城漸挂弓沈碑達者意緩帶古人風夜月
檀溪白春霞桃岸紅偶逢山簡醉還悵習池空玉珮搖仙渚銅隄
映使驄旌旗分峴首冠蓋接隆中城累夫人舊臺因太子崇觴前
時奏捷歌罷夜論功威望由來著聲名較昔隆幕僚隨燕喜屬吏
荷併幪循卓家君最賢勞驛路冲登朝趨葉令薦剡比文翁更訊
庭階樹偏憐吳下蒙感君將束折媿我正頭蓬久聽傳輿誦茲應
達

聖聰行看錫卣邕不復問熊熊借鼎遷黃閣移垣傍紫宮仲宣樓
上望莫便憶新豐

公秦人

擬唐人立春日賜宴應制

皇圖原敬曆聖德自乘乾北極光常耀東郊祀最虔葭灰曾候氣
穀日既占年樂奏雲翹舞時乘月令篇龍書刻像早鳳闕得春先

律暖回幽谷風和敞御筵青旗旛乍拂蒼玉珮初縣翦燕人同戴
施牛制久延競裁綾作勝更劈綵爲鞭臺上迎三素宮中謁九玄
賜舖開便殿張樂和熏絃餅共辛盤薦柑先望夕傳頻催光祿酒
不斲水衡錢上苑花新發平隄柳未眠司閤除虎豹入座擁貂蟬
共際都俞盛還虞禮法愆太平雖暇豫行樂敢流連戲輟藏鉤術
詩題膩錦箋歷階慚綬草歸第撤金蓮芳節恩同沐微臣喜欲仙
蓼蕭零露泥何以答堯天

歲暮客寓江陰同吳越諸公及從遊諸子先後讌集十餘日歸舟
賦示袁重其

歲盡陰雲重陽回朔雪融江潮傾碧海城郭入丹楓野燒驚羣雀
山煙失斷鴻萬家新臘改孤館暮途窮此地曾遺鏃于今未挂弓
戈船波浪外笳鼓戍樓中季札墳邊月春申浦口風淒涼時更晚
慷慨意猶雄賴有賓朋在欣從旅邸逢才名八顧上俠氣五陵東
往日珠槃共連宵綺席同貂裘盈座紫獸炭合圍紅公讌多聯璧

題詩互擊銅琵琶操范畦如意舞王戎長夜金蓮漏名園玉樹叢
歌聞垂手曲人出細腰宮時集韓氏梅園侍燕李校書自云出故楚

經旬陪筍

到處繫銀驄

西園辭子建南浦悵文通漫植門前李誰收爨下桐董生慚作傅
袁虎漸成翁歸路人同載愁時調每工相將梅信發莫放柏樽空
同李驍騎飲卽墨藍氏園亭

主人三徑曲桃李已成蹊燕子隨風舞藤花映日低謝家多玉樹

主人以楚客話銅鞮時與李各座上餘樽酒城頭息鼓聲紅牙歌

按拍紫勒馬驕嘶且喜交如漆何妨醉似泥金門爾望闕珠履我
遊齊射虎材猶健窺園路或迷不堪羈旅在同聽子規嘯

贈蔣一丈

吾鄉推祭酒羣望說君優別業開三徑高門系九侯傳家遺訓在
教子令名修有興呼林鶴無機狎水鷗散金行市義願曲坐銷愁
此日登堂祝何年奉詔求筵前樽酒數須借海邊籌

和李長吉惱公五十韻

最是銷魂際春城萬樹紅埋愁悲馬邑含淚泣蠶叢黃檗栽偏苦
朱砂染未濃好音虛鈿合密意視金筒南北程羈雁東西浪打萍
曾攜白柄塵私換碧釵蟲巷裏櫻桃暖階前榆莢茸眉峯望去遠
面藥醜來融杵響思奔月裙開欲罵風輕霞明芍藥初日照芙蓉
盥手調魚餌傳言避烏籠腦香因彈鵲腰細恰如蜂窠匣羅巾覆
宮香繡被蒙珮珠遺漢浦袖錦出巴賚信約馮青鳥溫柔藉綠熊
打毬擲半臂鬪草溼雙弓出峽能爲雨將髮未夢虹試歌傾鄭旦
得句過崔峒好受温家聘難辭號國封嗔人呼小鳳覓壻擬盤龍
愛縮同心結羞看照膽銅梅花妝不謝蓮瓣蹋無蹤帳用蝦鬚挂
衣將鴨篆烘鉤簾銀作蒜約指玉爲蔥笑倚連枝樹閒題一葉楓
慣矜生貴族盜解入愁墉執楫誰迎汝捱箏自喚儂弟同都尉李
奴是羽林馮待挽章臺柳常彈蜀道桐留髮娛半醉窺宋願相從
莫贈珊瑚玦長依玳瑁櫳三更謳子夜兩小識安豐入市輕投果

加餐共翦菘詩教鄭氏婢酒使卓家僮本謂雙飛燕行看千騎驄
海山堅誓老兄妓怪修容不爲前魚棄偏難下陳充車輪轉腹內
棋局似心中捉向迷藏錯眠將倭墮髮燈花猶映壁綬草漫生邛
舞蜨何人夢靈犀舊日通迢迢流水逝寂寂寄書慵荳蔻開時別
靡蕪采處逢別聲成懊惱孤枕怯惺忪夫婿年難合家人卦已終
及笄應出閣圖畫竟辭宮長史原中表庖臣自主翁早知今訣絕
翻悔昔彌縫鶴影傷秋鬢烏嗁聽曉鐘秦樓簫管歇夜夜月當空
倒和前韻

一片淒涼月依然挂碧空星星羞照鑑夜夜怯聞鐘錦段何年贈
紗囊若箇縫吳歛歌憶汝漢曲唱悲翁記得傳鏤枕潛教換守宮
釵占應有喜蘭夢反成凶惆悵情難遣追思意更忪曾看堂上戲
不是陌頭逢自小搗絃熟由來刺繡慵嬌憨阿母慣委曲養娘通
苔長欣同砌苔生愛傍邛暈蛾眉未放墮馬髻常髮青出雙瞳裏
黃塗半額中脣邊甘瓠剖耳畔大珠充雞舌含生液桃花呪洗容

高樓思引鳳小巷待停驄挾扇芳姿婢迎門便了僮庭閒多樹蕙
石缺補栽菘鸚鵡呼聲短鴛鴦毛羽豐流蘇縣蛤帳迷迭閉犀櫳
笑脫搔頭賭行攜焦尾從盃時按荳蔻吟罷翦梧桐小掾原名壽
無方舊姓馮分香思覓壻持履鎮留儂銀鑰開東榭金鋪近北墉
見憐應得藕無怨可題楓繡被薰丹棗牙牀捲翠蔥歡眠肱曲折
倦起眼冬烘迴雪看來影隨雲覓去蹤流連還舉盃唱和互敲銅
每至如歸燕難馴似參龍嗔時檀板絕病後黛奩封采藥思瀛海
遊仙問粵峒驟傾神女雨虛指美人虹菱鏡重勻曆榴裙淺露弓
玳房春燕燕晶箔日熊熊織字迴蘇錦裁衣買蜀資將身酬石尉
刮目待吳蒙正戀餐花蜨誰分釀密蜂強將鞢脫臂非爲鳥嫌籠
臺側休攀柳江干莫采蓉參商如列宿書信尙臨風燭到蛻膏盡
冰因獸炭融珠沈川自媚花落子成茸噫噫聞秋雁淒淒聽曉蟲
彫零牆上草漂泊浪頭蕩恨擲黃金縷愁生碧玉筒腸從前日斷
淚比舊時濃皓窟蟾蜍冷柔鄉荆棘叢麤能何處舞彷彿襦紅

和會真詩

花片落雕櫳游絲蕩碧空蟬窗低掩映鴨篆細朦朧有女能歌棗
無人自撫桐釵梁輕偃月裙衩喜當風伴侍鮮卑婢慙疑明下童
乘羊看衛玠揮塵想王濛煙慘鈿邊鳳雲盤髻上龍杏衫沾寶麝
茶帳怨銀虹生小潛妝閣誰為褪守宮外家連院北中表住牆東
跳脫曾私賭葳蕤每暗通阿嬌原面訂温嶠擬紗蒙香度櫻桃液
春叢金屋可為約臂硃砂脫揮巾霧
慣憐狂衛尉私喚小安豐嫁豈無他日情難惜此躬早看雙靨暈
漸放兩眉鬆慣倚猜嫌少何期好會窮前溪聲忽變雜組曲難終
緣錯能無淚恩深願剖衷鳳頭雙釧折鵲腦一樽同去後傳青鳥
還時贈綠蟲總然春夜永無奈曉光瞳幾欲辭巫峽相將訪華嵩
重看柏株紫轉憶兩襠紅口自應生闕心難任轉蓬去來如舞燕
飄忽似驚鴻閣筆閒張敞持杯老溶沖翩翩蝴蝶意何處夢魂中
無題和韓致光韻

玉鏡臺猶在安犀得辟塵分香防賈午迷路引劉晨鮫淚看還溼
鴛巾染便新離多終有合夢慣不須真會到歡時別情含笑裏顰
難拋如繡綫長缺似冰輪來往憑雕鵲寒暄託錦鱗短歌憐子夜
小勝寄宜春挾瑟終歸趙吹簫盍避秦無愁妝墮髻消渴待餘津
一水常相望千金幸自珍昨宵砂始換今夜黛偏勻並坐彈銀瑟
同聲喚璧人桂宮原寂寞移作宋家鄰
寄贈冒辟疆

我昔經郎國人猶問冒侯憲使前賢名不朽令子望逾優家世齊
王謝文章軼沈劉鄭賓常置驛蕭蕭選競登樓直節傳鈞黨清標絕
品流先皇知姓氏相國藉才謀史公拜表輕三辟辭官薄一州道
潛龍欲臥價重璧難酬興會陶潛酒行藏郭泰舟歸如魯殿在隱
卜介山幽已奉高堂訓兼聞內職修入門多樂事舉案得良傳女
誠班姑輯芳鄰孟母求琴邊臆雁美膝下鳳凰遊玉樹參差倚金
臺且晚收大兒袁氏虎次子賈家彪應共迴青眼真堪慰白頭舍

飴還有喜顧曲定無愁舞袖隨斑綵飛觴借海籌親朋珠履集詞
賦竹亭郵會致傳書鳥先看刻杖鳩德門躋萬石仙袂把浮邱李
自當年御桃從此日投每思傾蓋處回首秣陵秋時辟疆
奉祝孫公兼呈風山太史

開國殊勳舊華宗世德長侯封班魏鄂臣節媿方黃明初孫氏以

二因留守常州遂家焉其龔繼武名卿盛傳經奕葉芳地猶稱舊

都指揮名太者殉建文難府人自守遺箱此日賢誰最先生行更方青萍鋒不試白璧價難

償孝友成模楷風裁有激揚多時推祭酒當代仰靈光南國周弘

讓東都許子將清標寧有媿樂事總難量愛酒閒攜杖看花老擅

場筍輿常過從蓮社足行藏況有良媛匹能將內職襄齊眉堪共

對和膽亦同嘗為子求鄰切留賓劉薦忙珠田原有種玉樹併成

行笑酌雙鸚鵡忻看五鳳鳳風流揮塵柄文采吐龍章豈特如陶

令應知比謝莊翁有長公尤卓絕弱冠早騰驥投履雲霞上乘舟

日月旁萬言傳祕閣幾載直春坊抗疏精忱見求賢直道彰俱因

庭訓在不到宦遊忘慈母初封縣嚴君早拜郎錦袍翻舞袖露掌

當流觴榴火乘時發蒲風入座涼諸兒隨太史兩度祝高堂會見

花聯萼還教笏滿牀含飴方並弄匣劍可輕裝客至芙蓉第歌餘

玳瑁梁調絲兼挾瑟為樂未渠央家有梨園小部

陳言夏尊人八十偶用弇州壽太常陳翁八十詩原韻寄贈

天山采藥客地肺種芝人曾見秦灰冷還驚漢臘新衣冠存古朴

鬢髮易華鬢避轍憐衰鳳投竿羨逸鱗儒林推哲嗣仙籍號逋臣

有意看斑綵無心問紫綸醉扶龍骨杖笑墮鹿皮巾琴酒娛元亮

園林臥子真菜莢佳節後歲歲頌青椿

寄贈王太常煙客先生

魯殿巍然在先朝老奉常家聲傳晉宋世德邁袁楊相國勳名重

當年史筆詳曾扶天再且終使日重光大節爭儲位精枕格冥蒼

綺黃靈待召金珙幸無傷太史才堪繼嶧賢孫望更彰早齡陪法

從前席借芬芳為序先朝事重封暖閣章孤疑消祖父風影悟君

王玉板傳應舊金門侍最長鐸鈴聽自辨冰玉潔相當寶輦隨琴
驥仙音下鳳凰曲浮天仗外香散露臺傍託諷援琴瑟匡時待棟
梁官僚都伋望才藻更飛揚書法齊王獻文情軼謝莊偶思葺菜
味便製芰荷裳解組金仍賜歸田徑未荒右軍堅作誓左相醉能
忘一室存寥廓千秋任徜徉開樽原北海避世祇東牆縱下銅駝
淚還看玉樹行荀龍俱天矯薛鳳共翱翔邛杖爭扶植斑衣盡頡
頏堪驕車騎尉羞作尚書郎賦欲揮鸚鵡豪能買驕驕聯翩車過
市早晚笏盈牀譽子誠爲癖如君定不妨分金同陸賈結鞶笑馮
唐誕降逢初度興居自永康舉杯稱上壽挾瑟奏高堂竊附通家
末應知後輩狂願貽方朔棗莫問海田桑

行次崔鎮便寄臨漳令萬大士

江南花載路淮北雁羈程三月添新漲孤舟事遠征無顏稱入洛
有賦欲研京淬劍雙龍動聞笳萬馬驚雲屯過大陸水戰像昆明
詔出長楸殿軍開細柳營遙烽看帶甲悍卒競呼庚青海猶翻

浪黃河不洗兵沙痕迴去棹水氣浸荒城日暮還飛鷁春殘未聽
鶯窮途同阮籍愁思倍張衡才盡思焚硯時艱願請纓馳驅悲過
駛聚散感浮萍卻憶彈琴宰曾堅戴笠盟故園賓從散上縣吏人
迎電照冰壺冷風來玉署清通渠齊往績設教長諸生客赴漳濱
讌詩傳鄴苑名玳樓龜甲滅總帳雀臺傾弔古千年淚還鄉萬里
情郊亭時露晞姓氏早書屏更念周旋好難將信誓輕那知吳市
俠獨向薊門行野戍篋篋怨邊塵感策鳴停橈依古鎮把卷踐寒
更羨爾登仙近嗟予別淚盈憑臨春樹暝悵望暮雲平

濟寧登太白酒樓游南池少陵題詩處賦示同游陸進士秦太學
征途三月暮旅況四時秋慷慨攜長劍蕭條歎敝裘停橈尋往蹟
把袂得良儔正泊任城縣因登太白樓三條連濟水九點列齊州
臺殿參丹鳳帆檣起白鷗人煙雲外暝山黛鏡中收得句懷芳躅
飛觴憶勝流謫仙誠達曠杜老更窮愁俯矚南池好還陪北海遊
平川堪載酒淺漲不通舟亭榭花光照沙隄樹色浮天桃迎日麗

細柳倚風柔約約溪邊燕行行果下騶評詩荒碣上較射小橋頭
漸覺晴光晚猶憐景色幽昔人遺感慨茲土漫淹留觀省同工部
狂歌學李侯高蹤難附驥上客自鳴騶陸玩名原盛秦嘉譽亦優
與君同逆旅而我獨羈憂歸思緣登眺交情始唱酬古賢如可作
吾道定相投

都門送吳謹侯翰林左遷教授三十四韻

多少金門彥如君孰比肩世家先列國公子本名賢別體吳朝請
高文漢史遷胸懷龍變化姿制鶴蹠蹠因憶盟車日方當弱冠年
載書檠十二適館履三千獨結松筠契相期金石堅誰堪陪後乘
君已著先鞭駿足千金貴雕翎萬仞舉鳴珂遊 帝里珥筆侍經
筵許給尙書札曾分學士牋春坊虛壁月祕院動瑤煙舊著淩雲
賦初成諫獵篇趨朝時顧問扈從每流連不謂居親密翻虞少俸
錢承明出入厭司馬倦遊徧徧索長安米思耕陽羨田花輒移日
遠木鐸自天宣時特奉
上諭暫下更生閣還鋪子敬氈虎皮容講易塵

尾任談玄賜秩居閒散掄才匪棄捐 君恩原自厚友誼漫相憐
祖道都門外歸帆津樹邊孤忠還戀闕獨客正辭燕此去加餐飯
行將授簡編班生虎觀外張禹玉堂前太史河偏潤諸生帳共寒
欣逢人朗朗莫笑腹便便學舍琴樽靜宮庭鐘鼓縣李桃都豔絕
苜蓿總幽然但恐才名累猶教姓字傳 詔書銜五鳳講席報三
鱸終召長沙傅應登奉倩仙明光一曲就早晚和熏絃
輓王母鄒孺人

末戚忝邢譚徽音得素諳瑟琴調始協井臼勩能堪不道亡簪泣
旋教鬢髻鬢比鷓難左右孔雀各東南節勁松盤嶺心寒月印潭
共占光並婺幸得震爲男玉自藍田種珠從紫海含周官章母授
漢史大姑參剗薦知經幾求鄰不啻三拮据圖未盡辛苦茹尤甘
羽鍛孤飛雁絲枯獨繭蠶懷清臺未築何處望鸞驂
贈浙藩張大方伯

當代稱邦伯何人第一流茂先原有望平子漫言愁經世文章重

分藩事業優行臺高列宿班秩視通侯露冕湖光曉褰帷嶂氣秋
清風吹越嶠陰雨足吳頭秉憲千官肅端居萬戶休焦勞全國計
方略佐軍謀入覲承清問來蘇嗣大猷繭絲兼保障鸞鳳並驂騑
結客珠爲履開筵玉作舟書成裝玳瑁賦就過枏榴元禮門難望
禰衡刺漫投歌魚方自愧市駿已先收出入芙蓉府追陪文選樓
看人新鶴氅憐我做貂裘夜靜分詩律天寒唱酒籌忘年稱北海
把袂得浮邱慷慨懷高躅悲涼話昔遊曾爲司馬日不獨士龍儔
金虎占天意銅駝切杞憂中樞雖握算諸將不同仇龍去衣冠冷
烏嗁殿闕幽孤臣歸草莽中土集貔貅燼合來三戶鷹揚視九州
義軍齊縞素詞客盡兜鍪舊事聞風慕新恩下 詔求爲韓終佐
漢釣渭卽歸周出處無非正勳名總不侔梅羹方倚用棠舍豈淹
留早見分前席行看卜御甌

正誼堂詩集五言排律一

正誼堂詩集
五言排律二

旅次得相國呂公手札遠慰寄謝一首

相國勳名大巋然峙古今清時初對策前席早懷琛錦向天邊奪
詩從殿上吟尙書傳筆札祕院散璆琳選法盈廷肅文衡率土欽
清風開水鑑碧月照冰心紫閣依雲日蒼生被雨霖飲醇遵漢律
解慍答虞琴忽辟留侯穀因頌太傅金遂初方作賦長揖便抽簪
海宴龍堪臥山深鹿可尋 聖恩還眷念天使每遙臨竟爾辭榮
早偏於感舊深先君曾附驥昔日幸同岑下吏傷泥礫明公許芥
鍼追思東第會轉悼北邙陰著論憐任昉論交薄華歆誼推烏在
屋慙切烏辭林辱賜瑤璠札真同鸞鳳音寒溫叨厚愛勸勉得良
箴賤子才原拙流年鬢欲侵陸雲多笑癖劉峻只書淫舊業遺緇
管餘資乏絹衾孤兒誠落託古道豈浮沈兩載關河淚三冬客夜
砧行囊風瑟瑟去路棘森森彈鋏愁無賴聞笳思不禁得書堪乞

米此帖勝來禽遙望芙蓉府思披蘭蕙襟摘詞陳感激萬一鑒微

忱
輓前宮保戶部尚書白公

往事傷心甚真堪執紼謳先朝全盛日太保立功秋帝寵分前席

家傳比徹侯生平經國偉疇昔理財優絕塞遙輸粟中軍靜唱籌

先為戶部輪粟邊外玉關偏早入金部豈淹留出守盜遺恨承恩莫與儔錦

貂逾翡翠竹馬迓驂騑績紀繁臺畔心如漳水流累官分陝右特

詔撫甘州此地稱多壘惟公恃壯猶邊烽連赤羽廟算出青油百

戰音皆捷三遷賞不酬挂弓回細柳拜賚出長楸履荷絲綸重常

懷民社憂銓除雖不次隕越恐貽羞已報城工竣旋為國課謀鑄

錢當半賦輓餉集千艘黃閣還相待華簪詎便抽上天應板蕩元

老竟歸休遺逸青溪住徜徉白社遊散金遺故舊誓墓卜重幽詩

酒助餘興滄桑無盡頭宮中看虎到江上值龍浮文武牙籤散妃

人錦瑟收所存惟魯殿不道委邱邱賤子叨餘論當年景大猷思

親原有淚懷舊更添愁

喜龔仲震叔生子有贈

念爾蹉跎甚生兒較未遲百憂知漸緩千里定難羈乍叶縣鈴夢

長聽醜面辭盧家龍子秀謝氏鳳毛奇門戶占他日瑤環愛小時

父書文選在祖德漢臣遺式穀應無忝飛騰會有期但看人似玉

莫惜鬢成絲五岳平生興終當慰所思

奉酬趙鶴園郡公見贈

長安宮闕下七貴並交遊慷慨稱燕士聲名最趙侯秋風曾矯矯

冬日自悠悠價重千金駿胸藏萬斛舟翁孫方略壯廣漢治才優

釋褐當筮仕崑城控上游居官誠耿介為政自風流郢水陽春曲

江城明月樓高賢疇昔駐宦績至今留下郡何堪臥明公亦展籌

飛來雙孔雀導處五驂騮露冕蘭陵曉行車罨畫秋鳥鳴公署冷

花發訟庭幽雨澤通吳會霜威薄海陬論詩追漢魏品士得融修

我媿經三辟人傳拔一尤贈言真寡和德貺每輕投不棄蓬蒿賤

還同騏驥收買絲應作繡完璧願相酬祇恐蒲輪召朱旛入帝州
答和其年江寧見懷用少陵五十韻之作

嘶馬臺城下啼鳥幕府邊登臨俱渺若風物最淒然卻憶三山踞
曾傳六代偏長江春自鎖太白晝高懸辱跡深宮井靡音狎客筵
君臣方燕笑陵阜遂崩騫每過華林苑常乘玄武船悲歌重續九
愁緒幾盈千往事紛河朔餘波竭澗漣蜃樓終散影蜮矢詎穿堅
銜木空填海焚岡未補天聞雞寧便舞投鋏且來前險歷羊腸道
危臨熊耳巔躡珠爭去楚抱筑敢遊燕拭淚須藏璞懷材莫濟川
羈情長爛熳勝地暫盤旋聊復攜班管相將擲寶鞭雕蟲嗤末技
跨鶴羨登仙柳拂橋頭月花含閣外煙蕪城猶綺麗邗水故潺湲
時其年已舊處簫還咽新書墨尙鮮繡蒙王子被埒砌沈郎錢倚
客揚州醉纏巴錦銷魂絡鄭縣雉皋人破齒水部客齊肩琴曲嵇康弄鄰
家阮籍眠狂言停樂句新翰擘宮牋不問流清濁兼忘酒聖賢紫
髯飄颻颯素塵拂翩翩今古興亡置生平興會全休牽錦纜恨勿

向玉鉤憐僕病同王粲才疏愧鄭虔並驅常恐後方駕欲爭先幾
見蒲鞵破行看木榻穿髮存猶有蒜舌在豈生蓮客興詩千首郊
居賦一篇見時恆把讀別後想流傳分路期標幟同聲待撫絃龍
頭應得尾雞助漫當拳爾自攜雄劍吾甘飲二泉浮名隨過隙任
達意忘年梁棟材何有蘭椒珮肯捐石頭慵送客地肺卜耕田一
室虛生白諸生入問玄道窮真已矣游倦盍歸焉滿目風翻浪防
秋矢扣弦南塘新卒悍北府舊營遷邀笛軍聲亂觀濤陣氣聯半
生途欲盡兩地路均邐躑躅匡時晚優游卒歲便雲中雙白鶴矯
矯共高騫

送曹生渭公輩十六人同往江寧省試

何意談經處高賢接踵俱揮毫皆賦客稽古盡通儒此會齊元凱
同行足顧廚文章能不朽意氣更相於人抱秦廷璧家藏隋氏珠
驂騮思月殿雕隼快天衢去路應題柱當關共棄繻蹕躑衣曳紫
早晚轂塗朱勳業期諸子窮愁老賤軀玄亭行寂寞絳帳獨踟躕

豈不懷丹鳳其如歎白駒三山遙望爾六代渺愁余
呈石癯謝公

謝公天下士仕宦本無情望族烏衣舊騷壇赤幟更交同金谷會
朗似玉山行賦月教人賞生天莫與爭鳳毛飛去遠塵尾捉來輕
曾作栽花令惟留飲水名累遷聊佐郡何意羨崑城午夢西堂草
晨飛北渚旌風吹官燭冷月照畫簾清吏牘無塵案與歌有頌聲
看山攜惠遠謂心函上人得句過陰鏗賤子悲寥落明公獨獎成致書
從仲舉善伯陳好士辟慈明裝就珊瑚帙來徵月旦評一詞寧敢贊
五子漫相衡時欲刻卓人雲孫其勁卒揮何限真人想不倫柏梁
方欲和未許采芳蘅

廣明新葺書舍將成漫題一首

舊業鳴珂里巷名增華更不侔幌通扉互映磴曲徑全幽老樹分庭
覆名花按譜求移書應滿屋疊石便成邱待畫宗生壁將鋪王濟
溝踞牀樓可臥窺井轄堪投與爾忘形久邀歡定屢遊

秦淮讌集分得九佳

憶昔過秦淮相逢白鼻騮和歌傾玉樹較射入銅街座上時看劍
冠邊每挂釵交遊聯俊及指顧失優俳人去三山外帆飛二水涯
曾吹龍殿笛常拾鹿門柴夜月思同載秋風好寄懷重來尋勝地
還與會高齋自笑醒如醉何妨死便埋年華隨老大詩事屬吾儕
舊侶羊求在新知袁灌偕莫愁風雨暗且住更為佳

懷訐士客遊杭州和樂天寄微之代書詩一百韻

汝是神仙侶前身香案司才華六代重姓氏兩朝知龍蠖盜長屈
麒麟定不羈飛騰今果健位置昔非卑南土歐陽頤西州皇甫規
擬君猶僅僅愛我獨惔惔夙昔原交許風標每共持得參鄒衍說
並下董生帷託契孤桐引移情千頃陂形神都不隔過從豈須期
同學三冬史齊名二子詩連宵常互較片語必相師樂事時時得
閒時事為十年爭說劍八法對彈棋任俠追原涉交通識范逵
連鑣文憲府結轡武陵池揮塵高談妙燒犀軼興奇犢車晨出市

五言五十一
五
翫燭夜調絲執檝歌桃葉開筵舞柘枝珠盤光錯落金谷路透迤
競逐荀香坐佯將胡粉施芙蓉看小史芍藥贈妖姬蠟屐尋山色
揚舲鬪水嬉浪遊閒驥足新樣任蛾眉歲月何遷次乾坤倏轉移
崎嶇塗厯盡跋扈態無遺遣興憑書籠銷愁入酒卮弱齡雙鬢促
奇數一官遲願逐青牛隱空思赤鯉騎卻因裘已敝竟爾翅雙垂
李白才無敵楊朱路總岐親知能得幾弟畜幸相隨忽見賢書發
俄聞候吏催著鞭琨早讓結綬貢先資賦雪篇終就雕龍譽頗宜
萬言初待詔三策獨匡時景福階容步明光殿許窺致身非陸
愛國已孜孜共羨摩空筆真如脫穎錐題從天半塔夢溯水中坻
暫允陳情表難爲誓墓詞雲霄當日始堂構曩賢基拂袖硯堪試
縣天鏡不疲橫腰拖赤綬拭目閃朱旗顧盼空前後聲名絕等衰
初危切省臺行屬望麻草待親披厚祿應無忝微官好漸縻將來黃
閣迴此去碧油馳松柏停驄馬梧桐憶鳳墀銀鞍紛絡繹珠履集
參差山嶺風篁韻湖隄桃柳姿六橋煙杏靄三竺徑葳蕤勝攬眈

閒放高吟恥喔咻故宮憐宋帝舊跡弔遺兒亦下山河淚尤懷雨
露私帝閣瞻虎豹城闕問狐狸痛哭髯難挽忠貞志不欺君恩虛
報稱國事孰維毗寤寐難忘此殷憂屢及茲聞謠知世故行國歎
時危僕本傷淪落今殊陟嶮巖求金燕市少抱玉楚王疑采藥期
全杳彈蕉質慮萎魚腸雙匣祕雞骨一牀支棄置難言好吹求易
見疵和陶欣種菊招屈願辜離厭唱紅鹽曲愁聞白苾辭俗游憐
犬子浪跡慕鴟夷累過樊侯國三經神女祠晴川依古樹漢水測
沈碑復讌梁王苑還航潞水湄從親多襍枕哭父欲登陣旅櫬何
蕭瑟窮途覺渺瀰葛衣當雨雪萍梗伴鷓鴣負土成新冢誅茆插
故籬訃聞增客履爨冷減晨炊琴奈先焦尾魚慵再鼓髻悔餘彈
缺興仍有曳裾思孤棹錢塘住軍聲威策吹依人常苦拙借馬久
防羸雅會俱飛蓋羈情但啜醪山公雖念舊錢鳳竟無儀感事思
羊棗還家采兔葵肯看朱並紫便染素成緇夢已同尋鹿居靈待
拂龜鱗顏羞問相褊性合難醫子往偏如是而遊詎若斯窮通應

有異醉醒各無涯計日應旋旆臨風想接綦邀懼留芋栗投分結
蘭芝李尉嗟奄忽江淹擬別離纔看春向盡又見月將虧往事誠
空溯前踪或可追乘車期爾厚攬鑑覺吾衰望斷還留彼吟成好
示誰年踰半甲子花發舊辛棧原詩辛夷字犯重箋說云有从木者故易此祇自隨苓
落何知羨夥頤班生終定遠宋玉莫興悲得藉吾徒在甘忘季女
饑深懷勞問訊鷓首更何之

初秋過無錫同諸子集秦留仙檢討書齋被酒感懷兼憶張月坡

劉震修往江西因和少陵秋日夔府詠懷寄鄭監李賓客一百

韻

熟識梁溪道龍山倚日邊計程無百里屏跡已三年近憶論文友
重來下水船澗聲箏韻似峯色黛痕然樹杪人煙澹橋頭酒幔遷
名園頻易主游子漫成篇先游鄒園有詩紅閃芙蓉豔青藏橘柚圓驛亭
虛夜月城郭入秋天是處移家好相逢勝友偏交情蘇屬國詩體
謝臨川脫轄車仍到登樓榻尙縣白魚堪切玉紫蟹不論錢痛飲

渾無恙狂歌劇可憐殘山堆曲磴賸水得廉泉拂架牙籤散扶欄
石徑穿一時爭集屨諸子舊隨肩爾直圖書府人淹弟子員忘形
無慰藉古道少攀緣合座藏鉤密當窗企脚便俱浮樽底露共拭
杖頭煙標榜三君外風流六代前王筠欣把袖郭璞擬游仙嘉會
殊難得訛言忽浪傳乍聞心漫漶轉念淚潺湲百感蒼茫集千愁
爛熳煎乾坤魚釜沸河朔肉坻羶早氣蒸清漢慈雲仰法筵零壇
封蜥蜴民命苦鷹鷂待槁苗難助如焚魃未悛已看投耒耜行見
起戈鋌獨抱憂時志慚無濟世權催科真愴怳文法恐拘攣舊餉
期難緩新租詔未蠲有書編貨殖無計託漁畋見說雲天闊曾
沾雨露全揚威踰漢武憂早美周宣萬里征輸遍羣公翊戴賢龍
鼉波起再犀兕甲盈千趙尉稱臣早盧循遁跡先髦頭仍寂寂隼
羽自翩翩遂洗寧王甲將搗舜帝絃刷毛看解網掉尾欲離筌鳳
曆知何旣龍髯竟忽焉竊鉤人盡赦采藥使難旋元老堅披赤名
儒困守玄朝廷需作楫滄海未爲田蜃氣樓臺見鮫人市船連

窟巢通日本風浪接朝鮮下瀨空垂餌探頷欲扣舷東朝聞告密
北寺孰投牋反側刑書正親知吏牘牽國恩原浩蕩天意奈迤邐
犀浦終須照珠崖敢議捐扶桑叢灌莽浴日待清漣詎欲私豐沛
還當上澗瀟人方思集宅地復少安阡欲諭相如檄遲揮祖逖鞭
瞻天愁局促踴地老嬋娟銜石勞精衛悲風咽女蟬杞人誠過慮
蔓草易長縣便臥王恭簞如臨杜錫氈卜居隨鴛馬糶穀換金鈿
但有心如棘惟餘筆似椽參苓遺籠魯孔切內葑菲采山巔不見頭
風愈難教肺病痊劊舟悲墓木踢水惜池蓮鞞繫愁鷹眼林棲縮
鶻拳下帷慚吐鳳講席定無鱸論祕王充枕書縣李密韉品靈甘
下士名未達中涓舊業存荒壘先祠有壞墻離家防指痛行路聲
腰纏弱弟愁多瘦高堂病久眠只今都寄食時在龔氏妹家何日與乘堅
且老松筠質休爭桃李妍大鯤終變化小鳥任輕翺吾黨相期者
明公早勉旃好從東觀較長傍北宸躔府自高王儉刀應贈呂虔
吏才優著作相業望陶甄洪運開何有高文語不駢齊竿非敢濫

巴曲許同編已附時名忝還於別緒專張劉月坡震修方鼓楫江障正
鳴弦彭澤淵明縣香鑪惠遠禪千秋猶晤對三笑卽奇詮未是車
游洛非同客到燕經過由閔貢飄泊憶張鷟盡唱驪駒送誰開稷
館延俱飛聯雁羽薄沫悔蝸涎去矣橫飛鷁歸哉聽杜鵑行雲隨
出入流水自滌漩原韻旋字犯重漩與原詩意合故易此抱道師伊傅懷真學卷佗
得時成奮迅失意任高騫來往思悲鳳炎薰視墮鳶吾衰愁遠道
事過識前愆分路雲泥隔同心金石鐫桐陰看萃萃蘭草亦芊芊
入暮杯重把當風體更孱自今隨八達無意問三銓
同郡舊遊畢集同雲孫許士邀觀查東山及徐太守女樂連宵讌
集共念少遊臨別和白香山江南逢蕭九話舊遊戲贈五十韻

呈諸公

每因多病日卻憶少年場詞賦梁天監風流晉永康同過司馬第
競逐鬪雞坊選伎徵前部邀歡到後堂葳蕤藏少艾款段繫垂楊
仙引劉晨路鄰窺宋玉牆醉教纓盡絕溷促翠重妝慣把風前扇

時鳴月下椰籌分雙陸局賦寫十三行冠挂搔頭薄香留繫肘囊
玉臺曾嗣詠金谷舊飛觴世事蒲猶綠年華柳向黃相逢還鮑庾
過從復金張座擊珊瑚樹泥承玳瑁梁冶遊停下澤歌舞聚平陽
共作當關客閒呼記曲娘綺筵方合奏銀箭未渠央新月鉤蓮韞
微風露茜裳身輕隨燕羽腰細出蜂房寵擅荀家鶩聲傳梁氏鴛
細聽俱按拍近睨各移牀荆玉尤無玷秦珠獨有光芙蓉明小衩
芍藥豔華褱似覺眉頻語遙知體自香火齊吳姁見琥珀麗娟藏
入破櫻丸小吹彈筍甲長悲歡親閱歷出落倍尋常欲壓龜茲隊
羞翻回紇裝支持蓮瓣上宛轉柘枝旁送暎渾無賴停蹤若有望
銜簪隨太喜持履喚無方掩袖工調笑攜籠奈悚惶氈氍巾紉亂
袖袂麝蘭芳倦恨銅龍水寒防玉兔霜蛻膏偏晰晰蝶夢總茫茫
雜組愁零落哀絲具抑揚爲雲思楚岫解佩憶江鄉桂闕殊難到
藍橋詎可航束縷三致意寸刻九迴腸抱壁終歸趙舉蘭合渡湘
曲闌成懊惱坐久入微涼待喜宵光暝俄聞曉色蒼犀簾看皎皎

雞唱已荒荒野岸橫青雀迴波漾綠蔣羣公詩各就三婦豔難忘
興會東山好豪華南路強桃根何處覓竹葉漫同嘗莫以今時感
仍餘舊日狂情懷拚竟擲少壯已堪傷縱有蓬萊信重遊笑阮郎
孫幼青母龔太君苦節詩三十韻

家本華宗舊人推淑德先隨兄吟柳絮出閣駕雲駢昧旦期偕老
雙飛擬並仙五噫歌既和十畝計堪憐不謂牛衣冷還教鳳侶愆
冰壺長浸月玉軫久無絃憔悴持門戶孤貞歷歲年人知嫠婦怨
自草祭夫篇織盡三更月啼殘五夜天幸存雙白壁猶產舊藍田
撫哺原同乳追隨每比肩大兒文舉似次子仲謀賢茹苦丸常賜
求鄰宅屢遷留賓時剗薦立壁尙遺氈宵坐知棉薄晨炊奈罄縣
敝衣勤補綴粗糲幾流連令嗣才名大高堂笑語偏方馳毛義檄
羞斂阮修錢婚嫁粗能畢憂思乍可捐長君悲忽逝老母更愁眠
好祝千秋遠誰能百事全兄才餘弟繼祖業有孫延戲綵看堂下
含飴弄膝前阿奴非碌碌沈眾自翩翩應共龍駒奮遙知鳳翮騫

萱花猶未老柏葉莫空傳早晚天章下來旌霜操堅築臺堪表節
續史早成編所望愁懷放休將往事牽

正誼堂詩集五排之二

正誼堂詩集

五言排律三

冬日雜詠同程邨瑯琊六首

日

玄裳垂水玉寒律應葭灰宿次纏將復義輪轉易隕短長占繡綫
盈縮候靈臺圭尺量踰互桑榆望莫哀縱由夸父逐猶喜趙衰來
新霽光逾澹微溫氣正培偏能留煦照竟得徧窮垓送燠疑傳火
迎暄閒放梅冰銷旋渙渙雪映愈皚皚曝欲隨芹獻軒常傍旭開
俯時同挾纒煖後勝銜杯率土人同戴清時朔不災陽春行盡入
暮靄豈相催待向虞淵捧先教黍谷回

雪

同雲垂廣幕飛霰下平蕪乍訝珠輕灑旋看玉作鋪梅花隨笛落
柳絮趁風扶霓羽裳縹緲瑤階月有無登樓看不極卷幔興偏徂
憶昔飛揚日憐予落拓徒征裘馳壁驛獵火照瓊塗每就名園賦

常圍煖閣鑪紫螺催進酒紅袖擁呼盧往事同消現愁懷感載途
葛衣寒未禦郢曲和終孤直似任公子因憐宋大夫年豐誠上瑞
穀賤恐追逋縱有山堪臥難禁吏欲呼

炭

槐檀新燧取柞械茂林求薪盡傳猶續煙消燄更留土衡分二至
灰劫想千秋徵令周官掌餘材越嶺搜裝鑪成薛劍盈隧守吳舟
產識豐城異吞知豫讓愁豪家偏侈造微物必輕鏤丹冶燒難燼
烏銀價不酬獸牙紅吐玉鳳翅赤侵裘慣得圍紅袖長宜擁綺樓
簇時金箸撥籠處篆香浮且喜寒能辟休嗟歲漸周茶烹堪射覆
酒煖好藏鉤競向冰天炙誰從雪夜投

貂

冰鼯求亦得火鼠貢曾充小物炎涼別柔毛織作同此尤稱異種
昔以賚殊功犬續嗤奴卒蟬銜羨侍中金張傳七葉王褚晉三公
爲戴君恩重都誇珥飾工落盤應戀戀換酒莫恣恣插就須加額

縫成况蔽躬纖芒輕耀日輭毳細禁風麗澤逾青鳳奇温勝綠熊
不煩徵塞北原自產遼東至日冠猶賜盈廷服更衷蟻珠裝處黑
錦罽襯時紅我獨蒙戎做誰憐季子窮

雀

聞道瑤光散由來月令明秋風不化蛤冬日尙愁鷹畫舫虛疑翰
銅臺誤得名詎云能卻火何必盡呼更祇爲羣分命翻教獨繫情
空城憐去住大廈喜生成羽耐山頭凍儲窺庾內盈彈時珠可惜
羅處客難迎探轂非吾願銜茆任爾迎料無穿屋訟或免處堂驚
羣向階除集閒隨几案行馴因頻得食躍爲乍占晴鬧語梅梢晚
儂飛繡瓦輕焉知鴻鵠志猶自想雲程

天竺子

是物繁中土稱名係一隅想由慈嶺至曾向鷲峯踰佛國移根遠
人家辟火需葡萄圓較似枸杞豔難逾雪後疑紅豆霜前訝綠珠
丹成因化碧黛淺更施朱簌簌砂痕染纍纍血色濡爭誇叢鞋鞮

誰與繫珊瑚摘去依瓊砌盛來轉玉盃入籠枝尙煖啄食鳥偏腴
錯落搖羣穗葳蕤接數株銅餅供亦好冰幌看尤殊身毒何須到
瞿下缺

得二兄襄陽寄訊兼示近詩

吾兄僑胥侶歷聘徧方州作賦揮鸚鵡逃名逐鷺鷥頻年常滯楚
昨歲更依劉幕府聞彈劍將軍識解裘風煙峴嶺接升覽漢江浮
遠道傳歸夢新編繫舊愁九歌重弔汨雙鯉發登樓昔別年皆少
今知鬢亦秋關河千里思情緒兩鄉稠擊柝慚筮仕飛蓬憶倦游
還將在原意遙寄大隄頭

賦得我愛夏日長應試

春陽初謝令炎序正披離金鴨沈香冷銀虬晝漏遲雕梁留紫燕
疏柳坐黃鸝避暑長生殿迎涼太液池荷錢子母葉桐樹祖孫枝
榴火乘時用桃笙向午移雨輕啼鳥歇風動小魚知禁內年如閨
人閒樂不支曬禪驕北阮沈李會南皮燕女梳頭處王郎坦腹時

蓬舟逢宥婦湯餅試芳姿扇是鴛鴦綺杯傳雲母卮菱陂乘水戲
榆塞罷王師落日終南下徘徊心自怡

正誼堂詩集五排之三

正誼堂詩集

常州董以寧文友

古樂府

朱鷺

以下擬漢鏡吹歌辭

朱鷺紛以飛飛何之山有羅耶飛飛來下下食茄茄之上雲殷殷茄之下魚渙渙鷺嘻哉不以問羅者

思悲翁

思悲翁唐思美人得我美人佳哉紛奪我美人翁悲也但從我蓬首臂蒼鷹牽黃狗逐取狡兔來還取臬子飼臬母翁乎翁乎勿悲炊糜作飯翁悲不食將遺誰

艾如張

艾如張羅四距大河有鳥有鳥自名為鴛鴦羽毛離離不敢翔願謂黃鵠爾雖不得食亦足以自豪黃鵠謂汝胡不從我遊遨雲為車御清風下視羅者難為工瓊鬋玉纒輸幸甘泉樂賦云桂殿上之回

上之回由雍祠出蕭關天馬馳除道千里從官萬餘騎射者熊挾者矢從天下來識天子月支服賢王驚歸幸甘泉樂無極元封四年冬十月

翁離

擁離趾中何用葺爾宮蕙與蘭芬哉芳下有鳧鷖徇以祥疾風飄搖之爾翁不可以久居擁離趾中

戰城南

戰城南死城北伏屍萬人鳥不食爲我語鳥死且勿逃一爲蒿里歌魂魄安能自言豪水深唯唯蒲葦漫漫鳥母飢不顧烏子飽復貪梁築室鳥所餘蠅蚋集有骨不近驚馬革願爲壯士今已得悲子壯士壯士勿用悲釜有晨炊胡不來歸

巫山高

巫山高山自高海水深水自深向復能來子無二心山以嵯峨水以洋洋何用阻之河無梁徘徊踟躕泣下沾裳望遠之人謂之何

上陵

上陵高以美下陵美且寒問客何方來云是蓬萊宮北斗爲鼓瑟南斗爲吹笙神君爲陪乘旁侍兩青童滄海之騎朱鯉魚曳水乘天風乍來乍往曾不知日月窮建章宮中流太液臨高臺西虎圈東鳳闕神仙不來御輦出太始戊子春泰山封禪還羣臣更上壽制詔赦天下

將進酒

將進酒和四時粟萬石揚以箕爲此酒甘如飴紛佳哉悉索詩拔劍切肉懷袖之壺醜詰屈君知之臣心最歡祝皇帝萬壽

君馬黃

君馬黃臣馬蒼二馬相較臣馬不良君馬驅以北臣馬乃敢後君下馬待罪臣馬驚劣君馬馳以南臣馬乃敢先君下馬待罪臣馬跳梁

芳樹

芳樹何蔚蔚臨蘭池上有翡翠相因依翡翠極細小鳥猶能樂相
樂纏繇芳樹枝我欲從君山之阿妒人之子亦有羅奮飛不得憂
謂何芳樹葳蕤枇杷橘栗桃李梅一朝膈膈膊膊催燒之直當北
風揚其灰悲矣

有所思

有所思乃在大江南何用奉君歡錦被裁明光疊以珊瑚枕鋪以
玳瑁牀又何贈遺君大秦一雙珠不敢手達之裏以芙蓉襦聞君
有他心毀此牀裂此襦裂爲行纏承以跌三載以來踐踏之從今
以往誓不相思苟復相思反袂以自障不忍令君復見之恐君無
他心不能自持願我兄嫂雞鳴狗吠謂何東方須臾伊何那

雉子班

雉子班在陳倉得雌者霸得雄者王黃鵠一舉千里上雉以高蜚
蜚以丈雄來從雌拉沓野甸何知馴爲媒翳以茅障寶錯復用蘆
葦觥矢射之輕騎妖服王孫行以嬉哨我雉子五雉母六三春之

月晝安宿

聖人出

聖人出日青光美人子含羣芳駢離哉揀嘉祥白麟遊朱鳳翔惟
漢五世受計羣國朝天下諸侯王君之臣賦柏梁遠如期哉萬年
觴懷佳人馭天馬不巡狩安知外

上邪

上邪我欲與君相於君有妒人伺我室黃者金白者璧從此辭與
君訣摧其連環佩以玦玦有缺與君不敢不相絕

臨高臺

臨高臺以軒下有江草水濼濼上有羣鳥日以鴈不之吐不之食
射者在前弓可三十弩可四百離哉翻毛血灑落欲蜚上林長隴
胡收中吾

遠如期

遠如期益如壽大漢更數君國愈強有五將軍勒兵八十萬分道

出大荒時犁庭震震夜祭天不敢守邊遺書款塞天子坐殿上命
都尉持節許之呼韓來呼韓來彈箏炙肉坐地請婚良家子寵受
恩禮大佳累世無有比增壽萬年樂甫始

石流

石流路以遠路訾耶欲渡無梁流水難與人久居湯湯回回來時
不知何以南何以北莫視日月所出思東歸處天左側佳人安終
極

善哉行

以下擬漢瑟調曲

來日大難海燥河乾誰能遠遊陸行乘舟解一婆娑雲端桂樹苦寒
欲求姮娥贈藥解二去天咫尺終無羽翰嗟哉靈輒飢不得餐
解三親交在途黃金作鞍欲言不言涕下闌干解四去日尚少來日尚
多憂來難忘終當奈何解五安期羨門不如貴官東方曼倩遊嬉長

安

解六

西門行

出西門漫欲悲今日不飲酒憂來告誰解一即飲酒飲酒復告誰但

觀奔馳大道來往車輪摧解二停駑馬脫輕裘調笑馮子都聊用解

千憂解三百年殊足樂秉燭亦何求角枕施匡牀何不夢寐遊解四可

憐昔時淮南王銀牀金井成荒邱解五可憐昔時淮南王銀牀金井成

荒邱解五飛昇未可信歲月不我留求仙誤服散不如炙肥牛解六

東門行

出東門復思歸既入門行復悲膝前有囓兒顧視釜內無晨炊解一

更欲出門去兒飢語阿誰他家尚有斗粟賤妾與君但徘徊解二但

徘徊欲乞益中儲奈與君口噤莫開父母教言忍守飢寒與君努

力各自為解三父母教言忍守飢寒與君努力各自為勞苦慎勿哀

既出門莫思歸解四

長歌行擬平調曲

雙丸常經天人壽苦不延英雄不得意無志為聖賢神仙不可學
宅憂何時遷為子進良謀飲酒樂少年前堂置清觴後堂列管絃

高會親與故佳人侍華筵不然歲已暮安能長留連從來放誕人其志實可憐

滿歌行

擬漢大曲

酌酒顏既醅聽我滿歌居世良難賢智足多遭時混濁亦復輒軻後有猛虎前有黃河懷抱仁義公當奈何一解戚戚復戚戚人非上天安能滅形視彼蚩蚩何有令名載笑載燕樂此平生雖有賢智不如愚氓二解少壯復幾時歲不我與憂來難持逝將取用如韋如脂心不遑安終夜調飢守志不喪師彼伯夷明明者天睠矚子私三解富貴非可求樂道勿遷游濠莊周蹈海仲連千秋萬世景彼二賢怡情適性聊復遷延蜉蝣天地自言百年四解長笛短笛相與歌呼苦逐泉刀何有何無曠觀百世暇豫吾吾今者不樂公乎公乎

五解

前緩聲歌

以下擬漢雜曲

墮地之龍必有上天之犬蕭蕭白榆去人不遠招呼仙人置酒綵

山鸞聲宛轉當思南來之燕必有北去之鴻我春我冬歲月終有窮不得昇天亦當東飲西謳持榼飲鍾何為舖糜不足憂冲冲公無渡河

公乎公乎亂流而渡以死為悔河中有大魚欲食公兮公太苦公乎公乎胡不游康莊委身試洪波今公一失足雖公妻妾奈公何公乎公乎聽我筮篥吟公自渡兮河伯非不仁公乎公乎

枯魚過河泣

枯魚過河泣上書與河伯河伯方讌會閉閣不得入白頭吟

玉軫一何潔冰絃一何直君今懷兩意宛轉翻逾惜一解昔日斗酒

會忘言自膠漆今日斗酒會刺促多纏絲纏絲令人疑果有心所

憐二解溝水亦向西君心亦向離縱為雙鳳凰安保不分飛三解切切

復切切嫁娶當自豪何期一心人意氣在錢刀四解恩愛亦已早棄

捐亦何遲未離中門限苦辛尚難辭黽勉暫當壚為君烹伏雌願

得新人來白頭以爲期五解

塘上行以下擬魏

盈盈塘上花盈盈塘上花託處本山阿移根置上陵幸不資斧柯

既蒙雨露恩復畏風霜多一解念昔垢面時念昔垢面時賤軀未可

知他人亦顧眎委身竟不疑自謂百年永難棄二解不謂魚肉貴不

謂魚肉貴遂失蔥薤好不謂絲帛多遂形營剃少不謂銷鑠工遂

覺姬姜老三解蹶船常苦沒蹶船常苦沒歡愛難畢席念彼讒諛人

相伺在倉卒致與君一旦離別不復使君一視妾顏色四解生亦從

此辭死亦從此辭徘徊縷金枕是妾舊所攜今當贈阿誰太息長

相思五解

苦寒行阻舟桃源遇王大將軍作

遠從朔方歸黃河流宿冰朔方歸黃河流宿冰烈風摧舟柁圻岸

爲之崩一解飄飄翻靈旄悲哉血淚并翻靈旄悲哉血淚并父骨在

舟中故鄉千里程二解益中粟已盡行甑將生塵粟已盡行甑將生

塵慈親但舖糜弟妹復何論三解王師百萬至邪許河之濱百萬至

邪許河之濱傳呼不及避材官決目噴四解將軍坐旗下宛是昔所

親坐旗下宛是昔所親遂巡亦已久味死到平生五解酪漿充我飢

官軍挽我行酪漿充我飢官軍挽我行躊躇復原本缺一葉

子夜歌以下擬晉相和歌詞

夙昔初見歡歡年十三四抱歡坐儂懷與歡縮墮髻

憶歡如春風雙裙爲小開酬歡只一笑抱持入羅幃

歡從何處見中衣雙芙蓉唐突不見噴持底來報儂

桃葉答歌

宕楫江中流風吹更婀娜鴛鴦雙棲使郎頻顧我

宿阿曲

蘇林棲碧雲天門何廣廣上有朱鳳凰眞官自來往

聖郎曲

紅顏有聖郎銖衣七寶裝茱萸爲郎帳琥珀爲郎牀手持都梁草

日夜在耶傍

嬌女詞

越橋有高樓遙望采菱湖上有吹簫人含笑送青臚絲視諸少年
皆歎絕世無

白石郎

白石郎往來江上雲爲航河伯娶婦願得如郎

後從鯉魚前導風雨列松蕭蕭不得私語

青溪小姑曲

明月光光持璧一雙蔣侯小妹自言無郎

三洲歌

椀盛湘東酒手持蠻林布送郎窈窕河郎行多霜露

安東平

側側力力中夜告汝西鄰生兒東鄰嫁女

新成上襦一袂雙心不持作好與郎體親

吳紘一疋裁去丈五餘有八尺爲儂窮袴

劉生相邀陸博得臬歸持黃金以製步搖

湖就姑曲

莫向赤山去東湖大姑居西湖仲姑住

孟陽二三月湖中大小姑齊駕雲駟出

姑恩曲

諸姑本神仙明姑最難忘綵雲爲下裳熏以鬱金蘇合百和香
夜黃蒲鍛釵知是明姑來明姑遇明童恩情何徘徊

黃龍潭地... 謝本... 謝恩曲

吳向... 吳向... 吳向...

正誼堂詩集古樂府之八

正誼堂詩集

古樂府

會吟行 以下擬宋

楚歌莫激抗吳趨莫具陳張筵四座寂聽我謳會吟吟自會計始
風物代可紀卉木棲神明疾流緬青駛密篠藏幽靈明湖挂旌子
壑暝舍餘清林樹密雲起枉渚停上材迴罔惑去子洲淺丹農冠
戶啟蒼崖倚井邑便娟人風緒紛羅綺覲景泛清醕幽棕結何
猶聆采葛歌極目浣紗汜緬彼賣薪者炫燿故鄉里誰念暮鳥飛
越宮既傾圯

行路難

誰能思不悲誰能悲不歌芍藥之酒金叵羅問君對此愁奈何中
有一少年避席起為壽為言故鄉不可居故鄉之人波瀾翻覆難
相於北有祁連崆峒南有紫蓋芙蓉東有海中文二珊瑚宮西有
蓮花玉女萬仞壁立之高峰男兒不作女行纏安能坐思抑鬱憂

來萬端我聞斯言不致語月明光出門去提刀望黃雲徘徊行
復此

有美一人自陳說思君恨君長鬱鬱久欲作書與君訣昨夢見君
未忍絕又云出門看果得心所歡停君碧油輕鳳七萌之高車奉
君耳璫明月大秦之寶珠置君流蘇翠羽四角琉璃之複帳解君
織成金地鴛鴦葡萄之繡襦請君勿行路君亦鬢鬢漸有鬚言罷
更轉側夜向懷中泣我聞長太息

三月桃李花各自東西南北飛百年如駒隙安能流宕空驅馳行
路難莫行路昔日紅顏已非故昔日羊車金市中銀幘珠袍蛺蝶
袴玫瑰樓上熏迷迭琥珀牀前看眉臙行樂正當年少時倏忽今
年二十五昨有故人遺我江北書問我朱屏青邱何歡娛豈知愁
多鬢髮改往事空歛歛况復行路之人何其愚

我欲隱居種田地肺山又欲射虎南山岡頗聞貴人意氣多復欲
入貲拜爲郎年來一事都不成攬衣獨步愁徬徨西鄰有客夜請

閒爲言君見何其淺我聞周太子吹笙上碧空又聞淮南王雞犬
入雲中秦時五百童男女至今猶在東海東何不衣玄綃冠玉冠
遠求仙人藥一丸方駕白鹿紅鸞我因勉強從之去茫茫萬里無
歸處道逢東方朔頗憶重曳金門裾更遇杜蘭香乘風下與張碩
俱俱言天上愁不可以久居此事又不成徘徊重躊躇

君言羞與樊噲伍君言李蔡何足數豈知人生亦有命天下賢豪
賤如土况聞長路行者亦太苦君不見衛霍功名由女弟竇田失
意因杯酒一日不得西宮歡公侯將相難白首後人更憶華庭鶴
前人已歎東門狗何如五陵俠少年紅韁白馬黃金鞭彈丸落處
吳姬笑日日濫酒春風前

對酒長太息未知一生能著幾兩屐得志會須少年日二十左右
仕宦不作執金吾四十年亦何益我今忽忽不自娛顧視腰下
無懸魚仰看屋梁但著書成千萬言一一皆明珠昨日編以玳瑁
軸高軒貴人不敢讀西鄰少年浮慕之讀完不解意所屬便毀此

軸焚此書欲行不行心踟躇何日長門取酒過何時雪苑夜鳴珂
縱使名成已不早與客且傾千巨羅

洛陽美人千緝萬縷織成一匹綾霏霏香霧耀日明上有相思之
細字下有鴛鴦對列雙交睛疊之空箱不忍裁忽見過客還入門
借問上客何鄉人不應我家停車輪答云我曾涼州居道逢少年
二十頗有餘自言早歲從棄故繻前年成燉煌往年備粉榆今年
調守天山隅來時銀駿玉面貂褱褕今時朔風憔悴無完襦君歸
故鄉墊便寄雙鯉魚我家在南城門對朱樓樹白榆訴罷復相顧
但見淚盈裾我今故來投素書美人嗚咽不能語開箱有綾復有
紵欲縫衣裳寄少年上客揮鞭城北去

人言種樹種道旁人言結客結少年我昔憐君與君好爾時自謂
長相保鬪雞射雉每從遊吹簫擊劍常傾倒一朝辭我遠行遊思
君令人不能老昨日西門行見有儀刀方繖百隊過云是金門休
沐之貴人重裘貂錦爛高冠蟬翼輕車前妖童挾大扇馬上美人

抱紅箏一時道旁爭辟易熟視故人不下揖但聞行者私歎息歎
息當年遊冶兒一旦西宮賜顏色濫使新興蜀道錢紛紛輕薄渾
非昔我聞此語多心傷作為行路難聊以告路人我終不敢疑是
君

頭上手巾腰下組越人之壇誰為伍長事袁絲弟灌夫大兒文舉
次德祖落落斯人指顧閒論文把酒皆豪賢邇來差苦不快意又
逐里中年少同嬉戲何期程不識一錢曾不值更有景升兒豚犬
毋足惜一日黃金買膠漆雞鳴狗盜紛紛集昨日開華筵令我故
人招我大道邊我欲從之足不前含羞障袂心自言

君不見玄冬雪經年在太行君不見六月中慘淡猶飛霜丈夫有
仇不敢忘出門七首嘗自藏伏屍二人血五步天下聞之皆縞素
劇孟郭解頗自豪丈夫報仇不在怒武安座次且膝席黃祖筵前
莫作賦趙岐豈是賣餅人變名海上悲行路爾今勿自誤舉事一
不當泉臺向誰訴

昔我乘船鸚鵡洲登臨黃鶴舊酒樓遙見瀟湘樹正值洞庭秋舉
杯獨酌彈箜篌還念我父母在襄州我家在吳頭中心百憂涕泗
橫流忽傳官軍來上游銀塘悍卒幾千艘經武昌十日留傲裘客
子行相戒歸來疋馬廬山外但見江州城牆屋紅於赭聞道休屠
舊裔反南閩秋高牧馬將軍下

北風黯淡明何滅鄰舟兒女夜絮泣問之乃是廣陵姬十五嫁爲
錦衣妾祕計當年聽李園一朝夜薦楚王席細腰宮裏奉恩時絕
纓筵上銷魂日爲雨爲雲入夢中傾城傾國矜顏色豈知北騎雍
州來隆準子孫皆蕩滅美人寶玉細馬駝擁入高牙可奈何將軍
拔劍命楚歌淚落宮中舊綺羅今日得歸斯養卒口脂面藥渾非
昔江干回首莫嗚嗚紅顏異數何時無晉后乃爲劉曜匹始知天
下有丈夫

君不見酈山機弩化爲煙人魚獨滅曾幾年又不見漢寢銀鳧飛
滿天長安小吏帶劍登其巔草沒西陵舊墓田總帷歌管歇無復
美人憐我今勸君勿太苦富貴功名終黃土何況我輩人愚賤不
足數漫言豹死但留皮漫言人死但留名縱使名留天地閒蓋棺
豈得復相聞人生有酒飲便得不爾英雄亦何益我歌行路難悲
且長當風讀之徒自傷

徒自傷我欲竟此曲此曲頗抑揚座客請勿喧和歌女兒且再彈
不能如王侍中少時騎馬兩丸髻月下清歌對謝公又不敢彈主
衣庫上焦尾作爲懊儂曲歎負心更不得與華林宴拍張以自誇
跪誦相如封禪書復撥金縷銀柱之琵琶歌子夜醉還家但向風
前自嗚咽哀絃慘拍空擊節歧路泣嗣宗窮愁學趙壹胡不焚舟
車黃金綠酒以自娛西謳東飲顧謂明童鼓瑤瑟美女吹玉笋仙
人羨門自謂不如

華山畿

以下擬宋清商西曲歌

聞歡夜相思贈歡金蔽膝欲織鶴紋綾經歲不成匹
夜相思本無揪玉局與子空中碁

奈何許三更羅幃中分明抱持汝

奈何復懊惱幃帳春風開私覷兒與嫂

讀曲歌

歡買襄陽綾服飾好嬾冶戲持雙行纏與歡作腰帶
忍便怒歡語唐突儂應是儂聽誤

石城樂

手種廣場花留歡石城住雙颿入漿船載歡揚州去

烏栖曲

青溪幕府千金第朱雀兒郎兩丸髻誰家嬌女持明紗道逢紅袷

正騎騮

龍舟綵帆紅越布棹歌郎作淡黃袴五城江中畫出遊胡粉妖童

唱莫愁

襄陽樂

朝遇大隄上暮別大隄旁君家桃林岸妾住黑門廂

估客樂

大騙過江來黃金用如土不問上客誰知是樊城估

莫愁樂

莫愁洛陽女擅名在石城又聞金陵湖盧家更擅名

壽陽樂

山頭望八公化為童色如桃花紅

烏夜啼

暝暝櫻桃帳葳蕤下鎖宜自非彭城妾難聽烏夜啼
西烏了相樹東烏自來去怪失五更啼雙棲不知曙

企喻歌

以下擬梁鼓角橫吹曲

女兒愛結束頭上金步搖男兒愛結束腰下大宛刀

騎馬逐黃獐箭發如餓鴟城南諸少年一一皆健兒

一日酒家坐兩日酒家臥無錢不作人但向酒家過

瑯琊王歌

孟陽二三月來往六萌車女兒愛少年劇於明月珠
鉅鹿諸公主出入十二門都尉珊瑚馬妖童蛺蝶裊
朱樓府門中女兒善縮髻一朝作佛會相逢瓦官寺
赤棒前頭來知是瑯琊王丹鬢銀叱撥紅羅錦襖
瑯琊復瑯琊瑯琊大道邊少年出門去不須持一錢
男尙鉅鹿主女嫁瑯琊王誰憐東門行孤兒唬道旁
客如劉生豪出贈黃金刀女如莫愁嬌歸遺白玉搔
今日除典籤明日拜儀同不見南沙吏拍張得三公
鉅鹿公主歌辭

鳳凰雙輦五華蓋莫難扇子紅玉佩

珠巾小吏傅粉黛鉅鹿公主車前載

殷照小女陛下妹冊作貴妃鎮相愛

紫騮馬歌辭

健兒亦何求刀頭自取辦不作華林勳立名在馬上

出亦乘紫騮入亦乘紫騮不避壽陽主橫騎過陌頭
下馬飲美酒上馬吹玉簫十九從軍還一官值御刀
童男自妖冶不如壯女雄李波有小妹騎馬如捲蓬

紫騮馬歌

郎行騎紫騮新妝金絡頭青葛多與食過門儻遲留

黃淡思歌

一歌黃淡思怨殺青絲驪再歌黃淡思怨殺青絲緯
廣陵大市中九子蒲鍛釵莫惜黃金錢屬郎買還家
不買猶言可不還愁殺我

地驅樂歌

蒼蒼黃黃蒲生中塘上見蒼鷄下見黃羊
郎有他人察儂豔色摩挲殷勤過於平昔

地驅樂歌舞

銀虬漏盡吹燈火歡果欲來早語我

雀勞利歌舞

高田黍熟雀勞利
鶴子得食雀苦飢
郎有他人無不可
口中黃蘗祇苦我

慕容垂歌辭

慕容封吳王
檣蒲五木場
三甥謀早構
飢來飽復颺
慕容至鄴城
秦軍城上看
昨日牆裏燕
今日牆外漢

隴頭流水歌辭

流水隴頭四望悠悠
人馬俱餓誰能不愁

白日欲落北風大作

隔谷歌

弟爲貴官兄乞食
日無餐夜無氈
頭多蟣虱衣後穿
救我來救我來
弟居華屋正爲令
平頭奴子置妾媵
欲將錢刀贖我命
歸與婦言婦不應

淳于王歌

赤日小麥枯
北風胡草黃
客行改顏色
愁殺千媚郎

東平劉生歌

東平劉生飲酒成名
夜枕千黃金屋裏
無人還出門

捉搦歌

娶妻當如盧莫愁
生子當如孫仲謀
著衣須著錦
鼕裘騎馬須騎果下驪

盧兒十六雉
十四得錢便入胡姬市
安能一官長
自繫三日新婦車中置

河南種穀河北生
阿母不如夫婿親
昔時膝下千金身
與郎解衣自脫簪

女兒工作白鳩舞
少年善擊白鼉鼓
一朝跨馬離鄉土
不如嫁與陽翟賈

折楊柳枝歌辭

下馬折柳枝上馬折柳枝蝶座理輕蓉知是并州兒
敕敕何力力女小未知識昨遊楊柳隄歸來解歎息
姊嫁襄陽商妹作金陵倡中女頗自豪願配馬上郎
夜破并州城北兵如餓鴟牽馬近牀來環抱漢兒妻
幽州馬客行歌辭

讀書學伊唔不如射大旗仕宦作儀同不如娶大姬
腸肥復腦滿少年舉措輕殺人北闕下騎馬自呼名
紫褶黃皮鞞馬客自言豪醉唱幽州歌風吹鶴尾條
慕容家自魯企由谷歌

三朝復三暮來往朱樓下玉藕金芙蓉見蓮都是假

高陽樂人歌

郎騎白鼻騮手折慕容花笑償胡姬酒珠釵雙綠蛇

玉樹後庭花

擬陳

裁金小壓枕檀邊臥起蛛絲繡畫絃橫眸送態心自言明珠彈罷

雙垂手魂斷春風玉樹前

正誼堂詩集古樂府之二

正誼堂集二十卷董以甯撰以甯字文友武進人文友少馳逐於聲色玩好稍長折節勵學精天文律歷文雄駿不及朝宗純正不及子湘而雋爽亦二子所莫逮視椒峰則過之此編爲宋牧仲所選不分卷凡序記書論辨議解說傳碑誌銘墓表祭文都九十篇詩則湯文正斌陸麗京圻所選凡二十卷疑卽原文芟定仍其卷數謝良琦序之詩多豔體不逮其文詞入秦柳派而情真句佻亦乘雅意惟此書付梓後流傳絕少 史館重修儒林文苑等傳徵文人之著述由江蘇巡撫鈔出始得錄副以歸內缺七卷海內如有完本當爲續梓九月重陽武進盛宣懷跋

蓉渡詞卷上

小令

閒中好

閩夏

閒中好茉莉香中坐珠汗怕沾紗紅絨罷繡花

荷葉杯

第二體

相逢曲

若箇粉郎嬌豔當面多事一凝眸恰逢小妹乍回頭羞麼羞麼羞

漁歌子

相思曲

銀蒜低垂睡起遲棟花天氣耐相思羞對鏡怯吟詩午倦添香入

被池

銀蒜押簾物見古樂府左思詩衣被生重池謂中心皺處

擣練子

橋頭

金作勒玉為羈小馬驚香何處嘶紅板橋頭扉半掩幾絲楊柳掛

黃鸝

小馬驚香魏文帝事

憶江南

叩叩詞

蓉渡詞卷上

小令

閒中好

閨夏

閒中好茉莉香中坐珠汗怕沾紗紅絨罷繡花

荷葉杯

第二體

相逢曲

若箇粉郎嬌豔當面多事一凝眸恰逢小妹乍回頭羞麼羞麼

羞

漁歌子

相思曲

銀蒜低垂睡起遲棟花天氣耐相思羞對鏡怯吟詩午倦添香入

被池

銀蒜押簾物見古樂府左思詩衣被生重池謂中心皺處

擣練子

橋頭

金作勒玉為羈小馬驚香何處嘶紅板橋頭扉半掩幾絲楊柳掛

黃鸝

小馬驚香魏文帝事

憶江南

叩叩詞

章臺女叩叩結新歡堂下每迎花底笑人前私向鏡中看可許一
生拚繁欵詩何以致叩叩香囊繫肘後
牛橋詞須作一生拚盡君今日歡

憶王孫 春閨

東風庭院暗香恬半樹梨花壓畫檐眉黛無端簇一尖晚愁添細
雨瀟瀟不卷簾

如夢令 賦別

綺語和郎細誦紅袖半肩輕擁忘卻漏聲催早是信雞催送珍重
珍重此去畫橋霜凍

風流子 第一體 久別

已是別詩惆悵更是而今恹恍空寄語未逢歡愁被春風吹長自
憐一樣眼角眉梢心上

長相思 舟泊

片雲留片雲流水遠山長客子愁如何是盡頭一孤洲一孤舟
憔悴天涯黑做裘相思玳瑁樓

望梅花 第一體 過鸚鵡洲

芳草萋萋如畫喚起禰生閒話死向風波曾不怕長袴請君穿
罷除是阿瞞還值罵黃祖不堪君詫

調笑令 第二體 賦張巡妾

軍中聞笛君寫詩孤城忿憤妾已知援兵不至妾終死妾先就
烹復何辭妾身原委風和雨妾命甘同雀與鼠轅門賜徧剩丹

心與君自吞須記取

記取和君語自讀睢陽聞笛句縱餘黃土無歸處莫灑雙雙紅筋
願日後攜儂巾幗二十四城傳去

醉太平 壽玉虬叔三十叔別號雲癡

蘇仙李仙張顛米顛其詩其字之間許雲癡並肩書簾茗煙琴
絃畫箋年年長向花前著金貂醉眠

感恩多 鴻信

昨夜傳鴻信雨後花扶病兼傳病有因為郎顰忒覺情多真假

轉難分轉難分便是空言忍猜他未真

生查子

東內

伴繡小青鬟生性由來好慣得阿儂憐不累伊家惱 茶竈倩他

炊藥日虧他擣莫做阮咸姑休學王珉嫂

阮咸幸姑婢姑當歸初云留婢不果咸追及累

騎而還王珉嫂婢謝芳姿被捷作白團扇歌珉所捉也

又臨淮舟次集唐

不見有人煙

孟浩然

人煙隔水見

皇甫冉

寒葦露船燈野火明沙岸

祖月晚樹陰多

耿漳

浦迴湘雲卷

朱慶餘

坐看雲起時吳山中路斷

千方

醉公子

挑碁

小姑斂衽拜嫂嫂妝臺下乞早整蓮衣花閒去賭碁 杏釵多戴

箇停會來輸我若倩小哥幫輸時拔一雙

又重來

乍握纖纖手儂意他知否莫便使他知教他歸去思 重來花下

見紅暈潮生面纖手祇微籠多時露玉蔥

又賦豔

儂心何事惱姐姐欺儂小偷看合歡書憎儂問起居 好從花下

避怕見書中字匿笑不回頭回頭替姐羞

點絳脣

江晚

去去江舟煙中山色渾無據落雲迎嶼雁向瀟湘去 晚浦觀漁

不辨漁人語花如絮月蘆深處那裏汀頭住

又消閒

無可消閒不愁怎得光陰過綠窗賡和伴說愁城大 強約愁來

愁也來何莫曾經麼和衣獨臥今夜愁真箇

又聞思

翠被葡萄輕籠金鴨香煙重梅花影動小閣寒宵共 到得而今

無計風求鳳愁千種一場春夢又被燈花哄

又旅贈

旅館黃昏檠燈襪被鐘聲悄心煙縹緲祇是隨郎裊 眉語低時
暗計行程早如何好畫眉雖巧五日張京兆

女冠子 第一體 春閨

柳絲吹怯不費東風著力看來遲曲沼經行處迴廊徧倚時 鴛
鴦游冶子鸚鵡滑稽兒見人消瘦盡笑入癡

浣溪紗 曉

幽夢宵來託錦膠起看雜樹已花交不禁蓮瓣一輕敲 盥手試
香按荳蔻開匳占喜得蠨蛸繡牀鍼帖尙閒拋

又 夜

淡月迴廊幾處彎花陰潛入候雙環殘燈明滅未曾還 落繡正
窺金約腕罷妝猶繫玉連環一重屈戌隔蓬山

又 賦別梁笏主人

十里珠簾正冶游好乘青雀下蘇州雙銀曾寄杏花樓 愛爾一
樽桑落酒遲予三日木蘭舟春風寒到紫駮裘

又 閨思集句

欲作家書意萬重 或美人千里思何窮 或眼看春盡不相逢 元
幾處吹笳明月夜 李益一聲腸斷繡帷中 宋郊秋波不動簾紋融 孤

減字木蘭花 村落

柴門傍岸白板雙橋連曲斷水漲花溪一夜東風沒釣磯 漁童
又髻待扳細柳穿雙鯉細柳條條拖得黃鸝拂板橋

菩薩蠻 生拚

怪郎昨夜欺奴甚生拚獨就紅粧枕脈脈轉銀河郎將妾奈何
心腸畢竟軟漸褪羅襦半不覺響流蘇雙鬢睡去無

又 舟次集唐

一樽酒盡青山暮 劉禹錫 雨昏青草湖邊過 鄭谷 沙淺浪痕交 章入 雲
帆礙浦橋 詠 潮平兩岸闊 王 古木疑撐月 李賀 何事與心違 王 瀟

湘人未歸 于武

又代伊

阿娘碎語絲如絮檀郎祇好心頭貯音信日來稀思伊又恨伊
此情頻欲寄又恐傷郎意斟酌數行書言歡字字虛

卜算子

雪江晴月迴文倒讀巫山一段雲

明月淡飛瓊陰雲薄中酒收盡盈盈舞絮飄點點輕鷗唳
晴浦晚風寒青山玉骨瘦回看亭亭雪映窗淡淡煙垂岫
岫垂煙淡淡窗映雪亭亭看回瘦骨玉山青寒風晚浦晴
唳鷗輕點點飄絮舞盈盈盡收酒中薄雲陰瓊飛淡月明

醜奴兒令

閨怨

歡情別恨恩恩換歡是前宵別是今朝一樣輕魂兩樣銷
夢來夢去迢迢覓去夢郎招來夢奴邀兩處輕魂一處飄

醉太平

第一體

金錢卜

鵲兒不斷燈兒不管紫姑仙不曾明判擲金錢再算
青蚨飛去還飛轉祇郎去歸偏緩待點六爻還未半奈心絲先亂

清平樂

私語

已將身許敢比風中絮可奈檀郎疑又慮未肯信儂言語
便將一縷心煙花間斂祗告天若負小窗歡約來生醜似無鹽

占春芳

金盆濯髮

看翠雨香繚繞亂縮正三分斜插牙梳欲墮雲邊鉤月初新
待洗忽含顰為檀郎銀翦留痕遮藏且喚雙鬟去莫捧金盆
相思引 為雲孫詠侍兒小福

年紀花稍半未諳柔情先似再眠蠶偏將串結珍重疊香函
閒伴夫人同鬪草沈思未敢摘宜男郎情深淺還向夢回參
畫堂春 夏日課婢 掌書

幾牀書卷散牙籤閒時信手常拈拋來高枕帙誰緘好倩纖纖
莫把然脂汗染還將辟蠹香添頻頻親捧向冰簾一卷楞嚴
又 浣葛

衣紋單複盡能勻憐伊大好腰身那堪常傍葛衣塵酒污餘痕

憑向銀牀漫洗任教蓮杆頻聞桁邊風透帳邊熏一縷氤氳

又澆花

為憐春去惜芳菲將泉欲滴花枝禿矜小袖汲來遲別樣腰肢

又曬藥

茂陵消渴未全瘥匳中藥裏偏多一丸休認枕邊按錯皺雙蛾

又烹茶

曬久頻移花影暄侵小褪香羅竊來休向桂婆娑伴了姮娥

又烹茶

落花風裏綠煙輕聽來細細濤聲憑攜方麴向茶鑰蟹眼時烹

洗處輕攢素筍嘗時小破朱櫻定瓷親捧更盈盈仙掌初傾

方麴
蟹

又揮扇

滿庭花影日光烘芳姿挾扇偏慵喚來珠汗正融融細昏荷風

拂去篆煙縹緲捉來玉指菁蔥淡紅柏袂映酥胸微漾輕容

唐詩
嫌羅

不著愛
輕容

又侍浴

墮鬟初卸拭輕紈綠雲迴手重盤笑郎新沐髻如丸何日彈冠

半晌勞按澡豆幾回羞倚闌干待穿犢鼻好同看月挂林端

迴手
盤

見祝辛婢擊琉璃碗盛澡豆王
敦尚主事相如著犢鼻袴滌器

又拂簟

冰絲簟子出蘄州鋪來湘水平流為郎拂拭向紗幮涼沁如秋

每到宵來重展卻憐曉起偏羞臂痕人訝細紋留今夜拚休

憶秦娥

堪訝

殊堪訝自將阿鶯無端嫁無端嫁留他不得掉他不下 昵人秋

水臨行瀉舊時團扇應難舍應難舍看他明日耐他今夜

又聞怨

迎風哢隔簾長自鶯聲闋鶯聲闋起來無力睡來無夢 記得當

年南浦送雙斟鵲腦情千種情千種低眉款語幾聲珍重

又鸚哥

貓來也鸚哥喚道哥哥打哥哥打聲聲懺悔摩訶般若美人憐
惜愁偏惹粉盃餵內犀簾下犀簾下金籠半啟雪衣輕灑

又治遊

郎君去郎君駿馬誰家住誰家住鑪前綠酒牀前紅炬 遊絲欲
繫春風絮睡花蝴蝶癡情緒癡情緒千金博得明眸一覷

喜遷鶯

染甲

拈金鳳擣硃砂纖指染紅葩慙慙捧得玉甌茶光映綠沈瓜 莫
輕彈休更剪夜半搔時誰見落霞琴上不曾差流水泛桃花

姑瓜搔背光武與馮異書夜半誰為搔背癢也落霞琴名流水琴曲

海棠春

閩詞補和程邛阮亭韻 曉妝

畫樓檐馬琤琮響花幾片亂飄蛛網日射水晶簾影動波紋漾
牡丹鬆髻梳新樣為鏡裏人兒心賞薄悅貶犀簾嬌額風前做
又午睡

夜來花睡何曾足把往事欲拋心曲敲枕小釵橫軟襯芙蓉褥
夜痕細細肌勻肉半醒處咳成珠玉喚煮鷓鴣茶煙漾紗窗竹

又晚浴

梧桐月暗人無影私瞰處舊愁都醒鏡晃背湘簾玉墮春波冷

金釵卸向銀華鏡拂拭久綠雲猶整簫局漫熏衣幾度添宮餅

局

又夜坐

芭蕉卻報黃昏雨聽不斷蓮花雙杵擁膝更支頤跌坐渾無語

冶遊試問誰邊去全不聽城頭譙鼓應教短轅中揮禿瑯琊塵

瑯琊王導營別館曹夫人知將往焉導恐妾被辱執塵尾柄驅牛車進蔡謨戲日朝廷欲加公九錫聞有短轅憤車長柄塵尾

慶春時

日長

半窗閣繡么絃罷曲漫火餘香玉人此際妝成無事纔覺日初長

銀驄何處等閒嘶過紅牆鶯簧吹轉柳絲飛起儘日好思量

攤破浣溪紗

曉起

曉擁香篝意惘然祇因芳夢記難全起向藥欄渾獨立倩誰圓
倭墮髻垂遮領字水沈香透結衣船閒整新妝還自顧惜娟娟
衣領作心字者衣船衣鈕也昔人以解天子呼來不上船之句
眼兒嬌 江上鴛鴦

初春嫩綠染香溪鴛鴦作陣飛迷香曲處雙雙三六若箇情癡
新來怕見離愁事鎮日並頭樓韓朋冢下賣家機上不肖相依
桃源憶故人 擬代

鴛鴦枕上青山誓話得十分容易不料有頭無尾枉受他調戲
知他又把前翻計別院應還重試暗笑那人知未薄倖從前既
燭影搖紅 第一體 偶筆

到得而今鬢眉已逐簪笄嫁應知孝弟力田科卻是東陵跖 消
受酒晨花夜便遊俠不將名借青蠅休弔龍泉太阿汝知我者
鬲溪梅令 賦得臥房階下插魚竿

簾前綠水映雲屏自盈盈敲得銀鍼獨向畫欄凭粉郎歸未曾

粉郎空有許多情未均勻好似簾鉤偏重帳鉤輕魚鉤祇幾分
西地錦 同三五女伴道小名

不合相攜鬪草把小名輕告鄰娃便說而今輸卻把小名爭叫
萬一儂家輸了盜可酬花鈔怕他簾外侍兒竊語并檀郎知道
極相思 賦得有約不來過夜半

玉簫閣在花茵留記月波痕朱扉半掩青燈半滅作意銷魂 半
晌月痕移舊處風浙浙幾度微聞明知不是伊家屢響聊且開門
留春令 第一體 浣手繡觀音

蘭湯浴手窗前先就紅蓮嬌片須記他原少凌波休錯配鴛鴦綫
繡著全身須半面似向儂青眼春筍纖纖近慈雲疑紫竹林中
現 凌波 現也

瑤池燕 開簾引燕

當年曾僭昭陽殿燕燕移家新到珠院雙雙見蕙花半箭銜來健
如雙雙畫閣穿徧將簾掩雌雄暫教違面心休蹇三生今欠須

方便

思越人

高軒過

避車塵調蟋蟀甘稱閉戶先生多事乘軒還過訪方知人重功名
黃金不與儂厮認原是牀頭冰冷何物誤人田二頃散與酒徒
須盡

杏花天

憶夢

雲眠月醉青山臥把好夢背他偷做杏箋方欲雙題和忽被寒濤
鼓破奈未夢心情猶可到夢後淒涼怎過呼奴好伴挑燈坐今
夜夢來須躲

雙調望江南

閨夜

和郎坐閒話說東家小鴨漫燒宮裏餅香濤滾潑雨前茶春去且
由他 和郎坐妝卸玉簪斜戲譜新詩題冊葉輕移小蓋護鎧花
遲遲入帳紗

江月晃重山

初遊人

幾片桃花靨面一圍蝶翅披肩當初生小在人前游郎到迴避祇
今年 斂笑央人索扇低眸喚婢垂簾猶飄紅袖出屏閒還偷覷
輕踢鳳鞋尖

鷓鴣天

憶

荳蔻香含正未笄三年媽笑手長攜羽衾熨處分龍腦羅幙縫成
索麝臍 花並蒂燕雙棲合歡猶卜紫姑乩傍人已道成連理惹
得春山翠黛低

又

繡苑

繡苑晴光盡日佳更無愁思望天涯名花結果春前定小鳥姻緣
枝上諧 纏錦帶脫金釵秋千架子近香街綵繩握處開裙衩多
少香風正入懷

又別

賦得將離向綺窗桃花流水送遊鱧柔腸乍結先迴九小字親鉤
定取雙 同玉案伴銀釭慣來一晌不驚尤多情恐逐浮萍去發

愿拈鍼繡佛幢

芍藥一名將離

又寄

兩小無猜直到今丙寅鵲腦慣同斟鴛鴦向午常交頸荳蔻多時

始見心會賦別幾嗣音天涯南北雁難尋歸來朱鳥窗前看應

有蛛絲網畫琴

十月丙寅以鵲腦入酒令人相思

又歎

是處常來好當家慣從明鏡看朝霞夢中猶認崔娘枕扇底難披

溫令紗人忽別思無涯歸來空訝七香車迎風一笑回頭望鬢

髻雙簪並蒂花

又慰

何處春風著柳斜深深庭院綠陰遮每彈指處聞花歎自抵牙時

為曲差頻減膳漫呼茶莫將惆悵餞年華門前流水藍橋鎖猶

度當初金犢車

又昨夜

昨夜天孫罷錦梭輕槎無恙到明河幾經私語全珍重再試真心
薄譴訶羞月姊避鸚哥玉人頻問夜如何最憐蝴蝶驚魂驟輸
與莊生曉夢多

虞美人

臨風寄語

花陰空覆鴛鴦寢寒入紅衾凜早知好事付秋風何似當初索性

不相逢聞伊別後思量意竊自沾沾喜累伊憔悴倍心傷又望

伊家索性不思量

又限韻詠池上楊妃海棠

馬嵬坡上楊妃血灑徧枝和節依稀猶是舊檀心卻似唐宮睡去

夜初深梅妃應笑臙脂重欲喚從前夢臨池照處映魚茵疑向

三郎傳語倩雙鱗

木蘭花令

集句

初捲珠簾看不足

權德輿

翠袖紗窗紅映肉

蘇軾

犀辟塵埃玉辟寒

元稹

花為步障金為屋

胡宿

日暮東風春草綠

武元衡

紫穗紅英曾斷目

元續軛香羈夜不歸崔端居嬾唱將雛曲
南鄉子舟次集唐

疏雨過春城維王岸夾桃花錦浪生李復有樓臺銜莫景新晴杜甫樹裏南湖一片明張說噉噉夜猿鳴陳子昂野渡無人舟自橫韋應物蝴蝶夢中家萬里三更李益行盡江南數十程杜常

又客舍集唐

回首一傷神杜甫暮雨千家薛荔村譚用之燕子不來花著雨黃昏韓偓寂寞山窗掩白雲權德輿歸思欲沾巾杜審言雨過山城見月新錢起

獨在異鄉為異客思親王維斷續鴻聲到曉聞張仲素
一斛珠佳人劇馬掉

團圓有對小花兜肚殊堪愛而今多放金釵在天女散花賀倒須教倍小姑亂掉全無謂三葉風旗都扯碎儂家更有鴛鴦背不喜金釵私喜名兒美
東坡引十賚詞示婢選九首 湖鏡

茗溪前歲住曾把銀華鑄玉臺猶恐塵埃駐須將珍重貯伊家自信傾城無侶試照向簾前去箇中人也將人覷肯教他讓汝肯教他讓汝

二杭粉
粉丸鉛雪冶捻就和蘭麝幾年西子湖頭買開函香尙惹開函香尙惹慇懃贈與料應稱謝卻留向湘簾下道儂真色何曾借不堪珠汗灑不堪珠汗灑

三濟寧油膳脂
失脣何待染刺繡憐香腕不龜手藥任城換簪來挑與看簪來挑與看剔開寸紙腥紅膩軟偏半晌沈吟玩問郎原碟多應滿是誰分一半是誰分一半

四如皋篔
如皋人射雉曾把湘篔寄勻排密比多堅緻與誰除髮膩與誰除髮膩記他枕上蘭膏微滓便喚向風前試原來背後無人倚宛

伸憐玉臂宛伸憐玉臂

五 六合肥阜

纔梳雲髻驪旋把新羹做藥鑪茶竈時時課恐教纖手浣恐教纖手浣 雄州阜筴擣成百和浣手處按抄過夜深推枕鉤郎臥餘香猶在麼餘香猶在麼

六 餘東手巾

香巾何細潔云是餘東織見他珠汗融融溼換他紅袖換他紅袖 繡牀閒挂有時輕摺將素手頻頻拭拭時莫把雙銀脫應防儂欲竊應防儂欲竊

七 建寧香袋

縫成紅素絹妝就鴛鴦綫雙雙蟠子雙雙燕一雙圖半面一雙圖半面 繫他裙衩氤氳堪羨願翠管郎親捻翻來覆去教郎見這邊題欲徧這邊題欲徧

八 川扇

泥金疊扇子別樣成都紙盤來雙鳳雲如綺藏時曾見未藏時曾見未 偶然檢出攜來花底早捉向纖纖指輕搖莫便心兒喜秋風明日起秋風明日起

九 新篔簹

簾紋冰玉潤獨有儂牀襯伊家臂上紋微印怕人容易認怕人容易認 當初買向田家古鎮這長物應難吝與伊鋪在紗帷近銀鐙將欲暈銀鐙將欲暈

王忱素王恭六尺篔簹送之遂坐薦上日吾生平無長物長去聲

蓉渡詞卷上

蓉渡詞卷中

中詞

臨江仙

第四體

昨夜

昨夜玉人迎笑處石榴花壓重牆湘簾垂徧鬱金堂籌分雙陸局
帖較十三行韻事好消清晝舊歡無奈思量輕魂銷在鏡臺旁
緣隨散采卜酒帶口脂嘗

一翦梅

酒闌歌示程邨

與君詩酒兩相于座有紅于尊有青于湘蘭不並草軒于山鳥刑
于山花友于夜闌聯袂鼓縣于舞罷神于吹罷茵于徐徐臥去
覺于于一石淳于一夢淳于紅于妓名青于酒也出衍元記軒于
于縣于曲名徐徐句出莊子神于秦俠
于舒章劍茵于笛名淳于一髮一莠

又怨詞

慣得相攜花下游蘇大風流蘇小風流而今別況冷於秋燕去南
樓人去西樓等閒平判十分愁儂在心頭卿在眉頭少年心事

總悠悠一曲揚州一夢蘇州

後庭宴

譔燕

紫燕雙依雕梁並語拴簾不放伊飛去問伊昨夜過香溪見郎那裏花閒住一回卷上簾兒放去尋郎何處待晚歸來銜得黏泥絮似訴畫樓前薄倖人如許

蝶戀花

落拓

身是暮春風裏絮浮蟻呼盧到便牽留住絃索笙簫聲亂處一圍紅袖爭詩句以客爲家家似寓偶爾來家收拾閒情緒阿婦驚疑前致語問郎何不歸家去

漁家傲

黃鶴樓邊漁艇

孤篷漁艇煙中駕晴川自寫吳綾怕漁子不知身是畫呼婦罵問錢昨夜存多寡網得巨魚驚又詫復呼阿婦歡然話黃鶴樓邊閒去要沽酒罷歸來月上山頭乍

蘇幕遮

簾外聽墮銀聲

玉鉤垂犀箔護肯遞春風偏斷遊絲路內裏暗聞釵響度擲地金聲抵得天台賦望明妝遮薄霧鬧掃雖鬆宰墮知何故難道拔時纖手誤儻爲儂來忽地迴頭顧

又

花閒聽彈指聲

綠初迴紅漸出樹樹春交纖手輕來折爲底關心板又歇無語無言自把螺紋畫爪纔修琴罷撥鬢偏纖痕獨向東風剔畢竟思量春可惜待問分明瞥去屏山隙

又

窗下聽咳聲

粉采恩金屈戍花影交加昨夜扶行處欲嗽還驚蘭玉飢低鎖輕喉不放隨風去怪重來偏未遇窗外濛濛立盡三更雨不是嗽聲能聽取便認衣香難捉迷藏住

又

迴廊聽鞋底聲

月初沈星欲滴一帶迴廊曲曲猶能覓暗數欄杆應六七聽徧行踪不是伊家屨步偏那行轉怯似待如迎卻是來時節半晌消

停憐窄窄兩瓣輕蓮曉起看無跡

又屏邊聽浴聲

兔華輕螢照冷瞰浴潛來轉傍湘簾等誰料銀屏遮鳳脰小玉嬌
慙枉賺黃金餅粉應消珠定映喚取湯添冷熱心頭省荳蔻方
按知未竟半晌纔看禿袖來花徑

又樓前聽骰子聲

鳳簫停鸞幕啟十二樓高結徧春風綺今夜玉人慵不倚骰子
巡擲向纖纖指似無愁如有思漫想閒猜卜甚心頭事轉憶前
宵楸局裏親點牙籌賭喝雙雙雉

又房中聽喚婢聲

綺窗明金屋煖香篆浮簾脈脈垂銀蒜翠幔欲舉行又緩生怕鴉
鬢閒話長和短茗須烹花待灌檀口輕圓頻把蘭香喚喚久不
來誰作伴知道伊家獨坐妝臺畔

又鏡下聽剪刀聲

紫紋綾紅錦緞裁向鏡前響雜黃金釧應恐鴛鴦分背面鈿尺頻
移停處商量徧見還移人未倦疊股并刀運處分明見萬縷愁
腸縈莫遣欲斷仍連試倩蕭娘翦

又隔幃聽夢魘聲

穗煤昏蓮漏杳祇隔重幃遠似蓬萊島魂夢知他何處繞欲醒頻
呼話覺糊塗好養孃癡香婢小慙睡曹騰祇索將伊叫狂夢魘
來應未料試問伊家可喚江郎覺

又帳畔聽流蘇響聲

枕珊瑚牀玳瑁懸蛤初收帳底容難照忘却流蘇能轉掉漫揭輕
羅傍動銀鉤了響原輕聲漸悄睡熟鸚哥定不驚他覺和月和
雲和被抱一夜春風散盡愁多少

甘州徧

賦得不信此來常下淚開箱驗取石榴裙

深宮裏鎮日黛眉低意支離最堪憐是相思說話男兒聽慣不經
思拋妾淚怕人疑湘裙盜溼不將雙袖染臙脂開箱處無語立

多時訴伊知石榴紅處都是杜鵑啼

醉春風

索履

蓮瓣重苔嫩移過朱欄近碎紅纖綠點微尖襯襯襯爲惹春塵繡
來雙雀絲兒微褪好向蕭郎訊弓樣休難認香泥蹋處記曾量
寸寸寸願裏羅襟攜歸繡院教奴重整

又

來燕

添繡鴛鴦綫懶認春風面停鍼急喚侍兒看燕燕燕香壘新增雕
梁小語今年初見纔信韶光豔幽院閒尋徧那知已是杏花飄
片片片舊燕重來箇人何處幾回難遣

芭蕉雨

本意

深天綠天小院奈心兒已是如他卷添得雨聲嘶亂試問與妾何
干將愁共判驪著肩兒一半凭向曲欄畔憶粉郎今夜瀟湘遠
還再問可曾知須把妾處移將郎邊種滿

鳳凰閣

閣中

記桃花時節攜登香閣小婢呼茶出蓮幕縱是愁難細說說來防
錯抵多少眼酬眉醉生怕人疑故向窗前倚著早見桃花已零
落妾命郎情祇恐似他都薄便無語臨風蕭索

青玉案

索鏡

菱花憐我秋來瘦故把清光都黝修書爲問郎知否照人青眼有
前無後花下常蓬首陳宮舊樣鴛鴦紐曾鐫下色空心呪魚腹
而今須再剖臨鸞一拂煙鬟香溜風月纔依舊

看花回

索琴

桐尾魚紋響欲仙金綫頻添聲聲報入雲空裏敢驚他鳥醉花眠
自從人去後懶撥春纖故嗔小婢太癡顛付與青煙秦吏袋魚
須寄去倩郎重整新絃歸來相對好一曲紅鹽

感皇恩

詠鏡

有福共嬋娟相依白首看盡雙蛾似垂柳此中何處有箇人兒爭
瘦笑效顰難效腸迴九春塵飛處有時昏黝拂拭紅絲勞玉手

芙蓉映入疑是瀟湘清瀾怪東風起處吹難皺

兩同心 對飲

花覆犀簾重來妝次不言中覺有寒溫微笑處知參悲喜誰忖得

無限思量兩人心事 徐設雕文小几青鬟列侍漫猜枚鉤弋開

拳慵把酒相如病肺到更深月溜重門又還歸矣 鉤弋夫人初召至時兩手皆拳

漢武披之即開

天仙子 為婢催妝

幾度低眸燈下說環兒欲試何須玦一生辜負是今宵將伊撇嗔

儂劣瘦盡休將珠淚竭 酥乳緊拴紅袖衣鬆打鴛鴦結料

伊悲喜總銷魂難重憶難相決明朝看你來時節

小桃紅 手書

郎寫梅花體輕軟如郎意別後濤箋疊成雙鯉倩鴻來寄怎書中

柳骨與顏筋不比當初字 再認棠花記還是郎親製想是年來

摹成舊搨視花開矣莫非他冶貌與柔心一變都如此

月上海棠 月照

畫廊曲曲通金井卷湘簾月照流蘇冷人睡桃笙最貪看徧身花

影釵橫處盤手靈蛇委枕 香沈小鴨餘殘餅鏡臺邊早沁明朝

粉好夢中間料應知有人厮近那知被夢裏人兒驚寢

師師令 人前

斜簪玉導倚玉臺重照人來故故不寒溫翠地對鏡中微笑正卸

諱講紅欲耀把杏衫輕罩 等閒說徧情難告見星眸微掉漫將

銀筓撥鑪灰畫箇字與伊知道還向屏山斜處靠把鸚哥閒教 講

婦人梳時臂衣

百媚娘 為阮亭題青溪冊葉同程邨羨門作 乍遇

忽見璧人縹緲鸚鵡呼茶偏早迎門桂子纔傳語執燭櫻桃先到

半晌出來深福了洛浦珠光繞 金綫巷頭原杏錦帶坊前應少

暗憶舊歡都不似此際相逢偏好乍飲便教斟鵲腦薄醉扶行悄

小玉傳有桂子櫻桃俱婢名李師師居金綫巷東京佳麗在錦帶坊鵲腦入酒令人相思

又奕棋

小院銅鑲雙扣何事堪消殘酒漫拂玉紋楸局子賭箇今宵無偶
半局便知郎欲覆先逐康猶走 若使白頭相守應似橘中仙叟

一網態盈娘子譟輸與兒家著否輸罷猶然第二手好比吳興柳

康猶用唐明皇事巴陵人園橋大如三斗盃剖開有叟對奕一日
我輸王母女態盈娘子躋虛龍編鞞八綱梁武命次碁品三卷凡

二百七十八
人柳惲第二

又私語

厭舞樽前雙柘說向枕邊燈下幾見鮫綃親裏淚纔信儂言非假
軟語商量難待夜准擬將身嫁 阿母聽來應訝覓箇酒殘歌暇

私學長生傳密誓暗覺口脂飄麝卻更滿睚秋欲瀉微潤櫻桃液

又迷藏

慵把草兒重鬪慵把鉤兒私授學得雙文通內裏捉向小樓前後
鸚鵡明知花幔覆消息何曾漏 行處落些紅豆潛處露些紅袖

葉密花深渾未覺石畔猛聽微嗽覓到者邊何處走輸了鴛鴦扣

元詩小樓前後捉迷藏王衍詞
云者邊走那邊走祇是尋花柳

又彈琴

人說笙簫偏好卻把金徽藏了為有知音今夜聽拚剪麻姑仙爪
三尺落霞雙袖遶流水溶溶曉 簾外黃鶯休攪架上綠鸚應悄

贏得檀郎渾不語但見篆煙微裊撫罷倩郎更別調彈箇求凰操

落霞琴名
流水琴曲

又讀書

滿架牙籤曾購入掌茶杯常覆郎著新書還未較玳瑁親教裝就
盥罷薔薇按荳蔻細把丹鉛讀 卻羨長門堪售更似凌雲堪奏

狂燭饒脂都換卻坐徹蓮花宵漏漸覺輕寒肩上透便擁蕭郎袖

茶杯常覆李易安事薔薇露盥手又荳蔻盥手名澡豆盥王好聲
色有燭百炬酒酣作狂則燭昏昏如掩嬾婦魚脂作燈照筵宴則

明一名
饒魚脂

又偷窺

比翼雙鸚堪羨比目雙魚曾願聞道月精交月孕影動銀蟾如練

久覩苔陰纔欲轉忘墮釵頭燕
網戶玲瓏看便驚醒隔簾花片
那畔綺窗誰竊笑應是何郎偷見
驀地凝眸紅暈面倚徒欄杆徧
又祕戲

雨滴桐花鴛鴦風約蘭釭如豆
卻怪神機枕畔盒何物將人僂
魚鑠沈沈傳玉漏香浸交紅覆
還把雙星私呪水誓蘭期偏久
釵影釧文俱蕩漾光凝紅酥欲透
抱日癡雲將做晝姊妹應來候
神機枕用史鳳事唐詩嬌郎癡若雲
抱日西窗曉史鳳有交紅被疑去聲

傳言玉女素枕

一枕春生香暖桃花小簟當年
初繡親染鴛鴦綫而今獨自對得
鴛鴦覩雙蓮板上淚潮深濺
可歎雙肱被春眼都曲軟遊仙
好枕借向邯鄲店奴從金屋也得
夢兒方便莫教驚墮一團花片
釵頭鳳七夕為嫦娥賦
鵲橋駕銀河瀉嫦娥正送天孫
嫁廣寒宮內清輝改當年竊藥情輕
背奔到蟾宮寂寥無奈悔悔悔
緣難借情甘含笑他會合剛今

夜憐分袂遙相對織完錦淚明年
再何似孤棲長依仙桂耐耐耐
河滿子同程邨閒話

雖病猶能縱酒惟窮然後工詩欲
與孔方新結好他言素不相知
若輩福應如許吾儂分合如斯
舊是愛花成癖新添惜墨成癡
若比孤山林處士但非鶴子梅妻
願得任從我好何妨不合時宜
風入松第二體 索筆

閒擊綵筆染香膠自把黛痕描而
今老去中書令奈描來半損輕
妖待倩歐家紫腳更須蔡氏紅腰
好憑青鳥索香毫囑付幾勞
叨一春腕弱時敬顛學不成書聖
丰標寫得鴛鴦字軟染來蛺蝶
圖嬌景華錄歐陽詢筆管用紫腳梨
又筆工蔡輔有紅腰貼股二種
于飛樂第二體 索扇

想輕紈初棄也漢院初秋早班
姬吹動新愁奈秋千力倦後香汗
微流春中解珮祇消承楊柳風柔
唱舞衣歌扇句凝望雲頭怎
禁他滿月難鏤問卿卿將新篋
買向梁州寄來妝閣寫些兒小字

銀鈎

剔銀燈

第二體

索粉

記得柳隄初餞春風省送蓮花豔湯餅親餐香巾拭汗妾面何如
郎面別來瘦減更難入蕭郎青眼 仙的勻來深淺還羞把輕羅
微掩一捻粉丸數匙榴汁索補芙蓉雙臉盈盈小靨纔稱得朱櫻
一點

御階行

畫廊

畫廊窗小蟬紗護彷彿巫山雲路人來花下看模糊幾把玉郎呼
誤一回纔是臨風鶴警真箇花閒度 帶如朝雨濃如霧多少情
懷未訴脫將錦臂與郎添早慮歸時多露一番歡愛一番惆悵兩
兩頻迴顧

一叢花

閨情

銀華九寸水溶溶長自映芙蓉春風一夜吹愁去相看處漸覺眉
鬆浮渲纔梳方空新換不似舊時慵 筆牀簫局幾塵封閒情拂

拭中卷簾欲放遊絲入相看處重憶春風草綠無痕花紅未落不

見去來蹤

九寸銀華鏡
見初學記

送入我門來

賦情

篆髻看梳弓跌看裏後堂不避人來為愛吟詩長日鎮相陪圍棋
幾卸搔頭賭更行酒常藏約指猜 最是鐘聲敲處每向鏡前分
手無限徘徊到得而今常是隔蓬萊水流牆外桃花去祇風引雛
時燕子迴

金人捧露盤

閨情

杏花煙桃花雨柳花風愁中過偏覺恁恁姊歸何意不教春色駐
簾櫳妝成無事朱闌外數盡殘紅 笛牀閒琴牀冷繡牀委筆牀
封卻都為玳瑁牀空銀牀新汲轆轤更覺似心中春歸何處偏難
道郎處方濃

蹋青游

南村

郭外青青風日如今方美覓一箇板橋娘子向前村尋詩思見宿

水鷓鴣起白蕩小舟三四曬漁蓑綠楊煙裏有箇漁家將魚換
酒村肆煮一半下些鹽鼓更指點松楸道百年休計南崗幾多墓
一半無人掃矣

蕙蘭芳引

詠宋團扇畫松石同程邛限韻

紉扇班姬應嫌卻漢宮都小恨秋雨梧桐春信奈何偏杳此情難
畫誰堪把丹青應詔便捧黃高手怎寫長門悄悄 滿月難鏤微
風進御欲陳情表便淡竹疏松不許蝶蜂纏繞但教圖得相思雙
鳥向岳宮時得晚風輕昏

王建宮詞欲進微風到御牀

霜天曉角

辛卯除夜

一般奇咄聽小童來說道是明朝元日廢吾書三太息流年催急
更怕看新曆牀頭壓歲錢兒謀之婦何曾得 楚天遙闊親署重
重驛應說小兒癡絕久不見斑衣曳還將墨汁自寫春聯帖并書
小字懸門道以盍謹謝客

簇水

問侍兒月上花梢幾許

郵遞春風歡期暗寫吳綾帕記來心上便打斷小姑閒話去把流
蘇收拾等待銀蟾挂到半晌卻嗔郎詐 天似畫想應是紅樓遮
斷偏郎處牆高麼知他來否把墮髻先輕卸且再開呼小婢看向
迴廊下佯相報月上花梢乍

江城梅花引

夜聽隔鄰蕭氏絃索

誰將銀甲撥清商是蕭郎是蕭娘悄似玉人虛步繞迴廊驟似避
人遲似戀淒涼似誤佳期正遠望 遠望遠望最難忘夜正涼曲
未央聽也聽也聽不足更度新腔最是一聲小妹斷人腸戚戚噯
噯如對語難禁得向東風訴恨長

絃索有小姊妹子曲

愁春未醒

青兒曲

有引

青兒者邑先達楊中丞家妓也今作予家僕婦嗟哉憔悴矣然
猶記旗亭舊曲適文夏右文艾菴程邛諸子同渠舊主人東起
過飲因索清歌覺有羞見江東之意其音瑟瑟似聽潯陽江上
聲詞以傷之還恐才人老大都如是耳

千金不惜歌舞教成似燕離巢後呢喃猶作畫梁聲自分年踰絃
索笙簫讓後生今宵何事重聞呼喚幾度如醒欲奏清音花檀
乍拍淚已盈盈幸得非牙郎買絹不受伊輕但覺歌餘蘆花楓葉
滿中庭最堪憐是卿猶既嫁我未成名

鵲踢花翻

語內

弄笛逢場當壚擁妓連宵熬擲紅魚賭到今典盡鷓鴣三斗難沽
拔卿頭上釵雙股醒時又手月中吟醉時雙髻風前舞淒楚空
挾酒龍詩虎悔不當初尊阿堵且幸由房相慰算來不似蘇季劉
伶婦相攜負鋪已西風敝裘猶自爲儂補

醉翁操

琴曲贈濟野居停

醉翁怱怱相逢問何如黃公爲憐客子兮途窮自言座上樽中酒
不空飲予在花叢花飲清霜兮醉紅杯盤狼籍我亦龍鍾洗觴
更酌撫壁上之焦桐一鼓而召清風再鼓而和長松愁多曲未終
噫我來自東我別兮忡忡君其目送兮飛鴻

法曲獻仙音

護燈花

燒得燈明照他花睡小苑看花如畫喜箇銀釭綻開金藥欲與枝
頭相鬪奈早有封姨妒吹將紅燭溜光如豆算風流可能長久
應似我薄命偏多儂愁長是怕他殘護多時頻勞纖手一點香煤
落將來把衣污否又還從燈下細檢銀泥雙袖

蓉渡詞卷中

蓉渡詞卷下

長調

滿江紅

乙巳述哀

元日

去歲今朝念母病捫心私痛猶記得支牀慰勞慈恩深重此際魂
歸何處去黃泉碧落兒難送便牀前再欲聽呻吟除非夢 椒花
在為誰頌荔粉在為誰奉祇扶攜弱弟麻衣悲慟從此屠蘇憐最
後親魂若在應猶共為慙孫還盡半杯休牽牛捧牽牛偽兒小名

又 人日

七葉莫開正綵勝迎歡時節都祇願年年無恙勝如疇昔卻憶稱
觴常不御高堂翻怕逢人日道待亡難當世閒人添憂恤 倏忽
裏音容寂人一去誰依膝便占晴占雨任他凶吉捧得宜春煎餅
在行行欲奉高堂食猛思量願我已無人呼天泣歲時記人日煎餅為熏天會改

吳下作春餅

又 元夕

月正團圓卻不道今宵月半儘處處笙歌燈火六鼇爭戰聊煮黃
齋呼弟喫為言吾母腸先斷念生前曾未越中門何曾看 雙條
燭燒將短香一縷行消篆想慈親若在此時應倦妻子相看還有
日新魂獨自思兒伴好同來早向總帷眠何須勸元夕寺中黃齋
飯是宋祁兄弟

事窮時
又清明

父在斯耶應聽我孤兒泣告自父去年年寒食淒涼墓道一盞香
羹新婦做調和費盡慈親教更聲聲含淚問黃泉兒誰靠 存亡
事傷懷抱婚嫁事催衰老積劬勞悲痛父魂應曉後死漫言多十
載幾曾生受孤兒孝卻堪憐薤草迓銘旌行將到

又四月八日

三十無兒曾累卻高堂心疚每到得飯宮悉達降生時候小製紅
衫供浴佛病中怯腕親縫就願膝邊早得茹飴人幢前叩 堪慰
處蘭生又堪悲處萱摧驟念報劉無日此兒方幼泣繞靈筵呼祖

母幽魂若聽眉還皺待施將金鏡法王臺慈雲覆劉敬宜浴佛日
以金鏡為母灌

悲泣
不勝
又午日

素鞞纒纒早映卻一庭榴火無奈是萱枝新萎北堂塵鎖續命色
絲空欲繫招魂角黍頻教裏問茫茫天地獨何之歸來些 蹶蹶
苦應堅坐劬勞久應高臥願魂無去此還防跌蹉祇聽彩船喧競
渡錦標未奪終憐我便莫來桂酒與椒漿靈難安盧肇登第後競
渡詩向道是龍

都不信果然
奪得錦標歸
又七夕

昨歲鉞樓看兒女筵前乞巧曾道述生兒愚魯公卿可到膝上抱
孫閒說與牽牛爾是癡些好待他年為爾娶天孫同諧老 秋已
再星仍皎言猶在人偏查看敝衣曝處音容非渺此夕可能歸白
鶴當時空望傳青鳥漫重陳瓜果向靈帷心如擣坡詩但願孩兒
難到公卿列仙傳緱山白鶴歸
來西王母青鳥傳書俱七夕事

又七月十五日

時值中元為冥赦十方追奠記唐代幡迎七聖徧傳宮殿吾母生平堪細數料無罪過罹幽譴又何須佛會赴孟蘭今朝薦結欲解錢緣綫餒欲飽花簪麪總未能免俗子情聊遣果得母兮同父在算來祇當家人宴但空中曾否一加餐何由見唐中尚署七夕進孟蘭盆薦高

祖以下七聖又中秋

記得當初向膝下時時歡笑到此際剖菱剝芡團圓偏好正待月華猶未冷高堂已慮金風悄命小鬟傳語早添衣頻頻道今夜月依然皎今夜冷憑誰告念總惟寂寞烏鴉飛噪欲問冰輪迴地底可能還向慈顏照奈夜臺一去半年餘無消耗

又九日

每到重陽扶老母登高樓上便擬就三冬日暖初移帷帳此際樓空渾不見淒涼索奠黃花釀自看來先做白衣人誰相餉雞骨

在愁難狀馬蠶在貧難葬問側身天地那堪俯仰漫把茱萸靈几

插未知母去今何傍想幽魂也向夜臺登將兒望先慈每於午日

暑至九日始樓居

又冬至逢忌日

永訣經年渾不禁呼天搶地念執手彌留囑付宛然昨事盡道陽春回律日可能吹轉幽魂至正愁添如綫引鍼鉞心頭刺杯棬在空思嗜楮幣設空流淚羨奉觴此日伯仁兄弟幸似阿奴都碌碌生前死後長相待奈風飄翼鐸輓歌催行將逝周顛母冬至賜

日惟阿奴碌碌常在阿母目下耳

又除夕

日月云除除不得心頭愴恍漫說道兩年此夕痛魂相傲去歲荆棺猶得撫如今已去歸泉壤悔芒鞋壘土太恩恩難相傍爆竹裂家家響歲酒熟家家賞祇棘人此際愁偕年長有季可持門戶事有兒堪主蒸嘗饗算此身也是一閒人隨親往

水調歌頭

京口

一點攔江石幾葉趁潮船當年載酒曾到卻又景重看呼起寺中
佛印喚起墓中郭璞今夜好評詮注水盃因葬燒肉是何禪
人癡空說法浪談玄為仙為佛總非名異不堪傳多少菟裘安穩
多少閉門枯誦寂寂夜臺寒試問滔滔者天下盡皆然

鳳凰臺上憶吹簫

卽事

花浪浮春柳煙做暝朱門斜對藍橋更幾重翠箔一帶紅寮纔見
玉人凝坐金猊內一縷香飄回身處牙籤猶亂湘管纔拋魂銷
原來窗下把蕭郎舊曲寫上生綃看書臨釵腳格韻偏饒因憶當
初綺閣吟成後慣與推敲誰憐取赤繩難繫是處藏嬌

燭影搖紅

為王阮亭題余氏女子繡洛神圖

離合神光有人分得陳思繡流風迴雪更驚鴻髮鬢還重靚手把
鏤金帶枕并明珠洛川親授任人呼作水上宓妃宮中甄后記
得當初袁家新婦嗁痕透此身早是君王不被人倂慙愁到棄捐

蔥薤也應同燃其泣豆為他想徧纔下鴛鍼何曾輕就

甄后塘上行棄捐蔥

暗香

拾墮花

綠酣紅醉奈小園一夜花神怨懟欲買春留東君不受榆錢賄喚
得落花風起半減卻蝶糧蜂稅驚見得滿地胭脂疑是花神淚
何意飄零易待拾取片紅故枝重贅繡牀相對翦綵難教春再繫
待替落花馳檄同索問春風之罪把錦囊收拾也蝶巷深閉
聲聲慢 第二體 為王阮亭題余氏女子繡高唐神女圖

琵琶峯下雲雨臺邊似曾親見瑤姬縹緲氤氳宛如薦枕當時祇
是先王曾幸怎襄王夢裏重思些箇事教鍼神代揣欲繡還疑
莫問去來何意更舉幃請御整珮還持但問圖中一行綺語誰題
好從色絲黃絹想拈鍼少女風姿恰稱得犢車人絕妙好辭

慶清朝慢

為王阮亭題余氏女子繡西施浣紗圖

亭自題高唐句巫峽卽
琵琶峽瑤姬卽巫山女

浪濺輕綃煙浮素縷若耶彷彿堪尋溪畔浣紗人在倚徙花陰秋
波接春水更臨風卻似慢沈吟還恐被風吹欲溼小束雙襟綺
窗內繡牀畔念此時脗際未有愁侵祇想蘇臺月曉香徑春深自
與大夫別後可曾重捧舊時心多應向水晶簾下幾度停鍼
雙雙燕為王阮亭題余氏女子繡柳毅為洞庭龍女傳書圖

馬蹏驚處見牧羊龍女風鬟雨鬢手持雙鯉囑向書生傳信還把
鮫綃微搵似欲拭淚珠相賺休言別語殷勤繡不出來聲韻垂
問依稀若應宛斜睇雙眸將人細認還宮奏樂筵畔料還低瞬日
後終諧姻分笑濯錦小兒空聘此時此際如何願得神絲再縈龍
涇水歸後欲許嫁濯錦小兒神絲如髮同昌公主有神絲
帳用修日杜詩褥縈繡芙蓉縈字借隱即今穿鍼縈縈
孤鸞夜泊江干賦得夢回時酒醉後思量著

醉鄉堪徙正李白為侯劉伶為帝乞得酒泉我欲移家去矣道遇
盧生相揖又拉入邯鄲枕裏謂我愁城三市到此堪迴避忽移
時畫角驅蝴蝶更欲度醉鄉大江闌止猛看江頭月映徹蘆花尾

回想佳人何處依舊是愁城千里再去蒼茫難問被三閭調戲
八節長歡折花送鄰女

鎮日花間愛他新萼飲露欺煙低攀防壓鬢遠折怕移蓮還愁驚
起春禽夢顛春風纖手堪憐會送鄰家姊妹楷字題箋更憑小
婢傳言將泉灑莫教半晌花蔕插向膽瓶中須顧盼念他短命紅
顏新妝罷聊摘他襯貼香鈿但留得一枝並蒂折來自供屏前
玲瓏四犯第一體 調粉餌飼金魚

妾處多言郎前傳語金籠怪伊饒舌減些鸚鵡料施與文魚食粉
香貯來銀鉢一星星漫投銀鯽倚檻吟沈臨波目注細看他噓沫
盆池內玲瓏石料魚應樂此曲房幽室更因親飼慣珮響都爭
集戲投偌大雙紅豆閒哄著寸鱗空齧但聽得鸚哥正罵儂心劣
春夏兩相期美人晏起

合歡牀可憐孤卻忽赴粉郎良約惱恨黃鸝乍把春眠驚覺呼郎
不應尙凝眸記夢未全慵下榻心字羅衣小鬟多事將他溫著

窗前又聽鳩鵲且支持瘦骨起穿羅襪告訴鸚哥多病近來如削
當初紅燭照梳頭如今綠鬢都羞掠勻得工夫日斜纔下妝樓一
霎

安公子

第二體 無題

茉莉香偏促蟬紗簾內窺初浴亂綰青螺纒繫著冰紗裙幅小罵
流螢暗處偏攜燭還頻見秋水時時淥怕輕搖團扇人到粉闌干
曲一帶朱衣竹蕭蕭影裏驚如玉濃笑前來手指道銀河似沐
恰好幽期欲趁花神福響金環吠動猗兒熟恐小鬟知道兩點檀
蛾輕蹙

霓裳中序第一

燕子磯懷古

看蕭蕭瑟瑟怒浪寒空都一色更望處斷紅層碧見風帶泉紳水
膚山骨荒煙遙接回首是晚霞新月聽欸乃蘆中吹徹漁舸三兩
葉端的江山奇絕正千里泠泠一折送我短衫豪客念六代蕪
煙五朝萍沒舊事興和滅也祇似江湖吹疊今何日燕子磯頭倍

覺清流激

曲玉管

當年

醜面爲容簸錢學戲當年彷彿應呼弟便到韶華兩八不解嫌疑
鎮相依花浪欄邊蟬紗簾內香懷貼抱梳新髻雙靨菱花曾將一
笑酬之忍輕離此後堪悲奈一旦畫舸南北但聞鴻便傳言遙
知已定婚期淚沾衣悔當年兩小玉臺曾未結紅絲到今日重逢
瞥地凝思

竹馬兒

卻聘詞

還自忖不知牆頭馬上幾曾微露卻因何有人傳誤惹得求凰爭
賦羅敷雖未有夫也還應念使君有婦有婦更求凰恐青陵臺畔
金釵難數淚落流黃土妾原薄福不堪君顧況妾未經十五荳
蔻心兒難吐殷勤寄語劉郎桃花雖好莫走天台路天台深處多
少香雲護

玲瓏四犯

第二體

七夕

我意如秋喜月到初絃空庭皎皎牛女佳期堪怪齊諧縹緲就使
銀河真渡也應是愁多歡少算何如支機石畔索性年年孤悄
今來古去千秋矣偏難道天孫未老便是逋錢真百萬織久應償
了況似牽牛癡絕反不累天孫煩惱願天孫錦淚且收將莫被嫦
娥竊笑

花發沁園春

題黃氏印史代序

北苑臨書南宮執笏從古畸人癖事字亦雕龍石堪繡蝨不道先
生兼此落筆驚看有厯落嶽嵒之致宛然見古貌如顛不似人間
衫履 記得當年此際將怪石投予鐫予名字珍重常攜離奇可
拜時命小鬟親洗聊寫俚詞題箋仍用猩紅記知道先生應笑我
攫石袖中何意

解連環

楚行白筠心書贈楚詞一箋復作高唐好夢圖因東謝

澧蘭沅芷是文郎當日舊遊之處生平說屈宋衙官擬重去襄川
將他部署翻怪香山卻貶技填詞贈與想落筆高吟多應說向君

家老嫗

親寫雙鉤小柱苦絕少紅鵝憑君攜去況畫將一夢高

唐把紈扇招風更添佳緒但到陽臺儻誤惹香雲豔雨憑君莫寄

招魂賦夢中叨絮

菩薩蠻慢

秋日楊東起書園社集

今當共席正荷風梧雨嫩涼時節更稱觴共向園亭望帶水迴廊
宿雲敲石或嗽流泉晞髮乎橋之側或談棋相對不管蛙聲溪邊
嘈喋 或是正襟危憤或小侯數輩吟箋爭拂或騷壇強項大義
嚴辭或醉後微顛斜書晉帖或拭輕紈淡寫雲林幾筆告義之而
今卻是蘭亭秋集

望梅

七

奴年兩七比陶家八八李家七七風情僊韻知難並自思量可及
十分之七卻似天孫幾望斷新秋初七正閒看北斗遙挂闌干雲
邊橫七 空有琴絃五七更詞名八六歌名一七奈唱回殘月曉
風難說與章曲才人柳七簡點春風已花信今番六七怕年華都

似頃刻開花殷七

疏影 入花叢抓鬢

紅憑綠映正蜂差蝶敕同引游興早起梳頭好注蘭膏新妝自看
鬢影相攜女伴尋香去還再顧菱花小鏡蹋青苔香印留痕慣向
花陰僻徑 懊恨花梢無狀一枝低亞處偏近珠領欲倩東君訴
與花神小立碧梧金井前頭姊妹都回望聞嬌喚幾聲低應待行
行重覓遺釵更向曲闌閒凭

風流子 初夏

已餞將春去堪悲是錦片近來稀但朱戶長開候他紫燕綠陰微
缺補得黃鸝新添箇迎衫新暑淺入苑細風遲茉莉初來已懷香
孕芙蓉欲嫁先製新衣 此時長日裏笑主人避暖不解圍碁有
客頻來剝啄童子還辭祇閒品唐詩盛中晚句自斟魯酒一兩三
卮翻怪早蟬饒舌不合時宜

小梅花

賦得最是五更留不得向人枕畔著衣裳

蓮籌促吹蘭燭妖姬羣抱諸郎宿翠樓陰月窺人蒲萄衾裏略覷
未分明柔鄉占處終難久珍惜數聲虬水漏儘相憐枕兒邊休放
蝶兒舞到玳牀前 花應歎窗將亮隔院雞三唱五更時怕留遲
呼郎低語忍倦著羅衣羅衣已是先溫煖郎結紅襦驚復顛曉風
多奈郎何慣是寒風長把福消磨

蘇武慢

佳人減勝

欲報廚娘還呼繡婢說是藥方新忌辛椒空薦魚炙非宜鎮日長
餐松子頻催舉盃時慰加餐翻怨小鬟多事歎春來玉板金鬚一
向何曾染指 猶記得酒分半雅茶品三番舊日花茵情意情還
羞述意在無言祇向空中畫字到得而今玳牀孤枕香閣更無仙
劑便傳來香飯簾前呼取雪狸來替

洞庭春色

招文夏右文文菴程邨諸子同集

客到蘭陵人來荆水且住爲佳再休談跨馬休談戴笠相逢握手
共泛流霞壇坵英雄誰敵手便添煮青梅佐麴車閒評論問使君

與某是也非耶 一飲休辭既醉便萬鐘於我何加到榆籌將盡
金鷄欲唱杯盤狼籍興致還賒都問旗亭何處好說儂處東鄰是
酒家明朝把詩人月旦一聽裙釵

沁園春 美人額 用蔣竹山體前第四句後第二句用平聲

眉黛峯侵鬢絲雲亂似玉無瑕笑黃飾仙娥難方桂蕊素妝公主
待點梅花慣道如螭真看似月塗處休將宮樣誇春寒也怕杭羅
猶重裹上蟬紗 卻憐人去天涯欲叩顙低垂幾歎嗟更輾轉愁
添回頭半枕平安喜報舉手頻加卻訝蕭郎虛稱上客歲歲龍門
望總賒歸來也又翠圍珠而代抹鉛華 桂詩智瓊額黃且謾誇眼
樓子又謠楚王好廣眉宮中皆半額又詩漢
宮嬌額半塗黃又元稹詩復裏杭州透額羅

又 美人鼻

閒際相看見他梨頰玉準停勻料楚國夫人掩來定妒宜城公主
見後應嗔花氣嗅來歌聲收入蘊得風前無限春迴頭處又一鉤
斜見半面平分 不因口過逡巡願指向明河索問津想微亞風

櫃侵寒欲嚏潛攜月幌屏息無聞素手輕按薄巾微掩曾惱蕭郎
被酒醺傷心處更有時酸甚悶把香薰 歐公詩旁有梨頰生微過
楚王夫人用鄭袖教歌人

又 掩鼻事唐宜城主
馴馴馬寵人鼻
美人齒

看去纖勻生成伶俐掩映偏宜念襯處參紅榴編細貝露時凝素
瓠剖明犀別後留芬談餘剩慧啟向風前一笑遲曾微倖有姓名
輕挂何福消伊 問來年紀應知每剔罷沈思叩欲低更吟費推
敲咬鬆篋管繡商深淺嚼爛絨絲漱石應同拈梅欲冷難畫楊妃
病抵時銷魂處向檀郎戲齧印臂痕微 孫楚日所以漱石欲礪其
齒古詩齒冷越梅酸畫譜

又 有楊妃
病齒圖
美人肩

此日鴉侵當年絲覆格韻偏賒想向月凭時削成輓玉將雲護著
襯出明霞兩兩同隨雙雙並比應羨風流是陸家愁多處似相思
擔盡繞徧天涯 每因午倦頻加便側著芙蓉自枕他更昵語羞

磨笑時微聳慵情漫倚暉處恆斜嬌若難勝瘦如欲脫寒倩蕭郎
半袂遮長相並覺俱紅擁翠勝拍洪崖洛神賦肩若削成將雲句謂婦人所著雲肩陸東美
又夫婦相愛人稱比肩子婦稱小比肩鄭雲卿書云雙肩欲脫選詩右拍洪崖肩美人乳

拊手應留當胸小染兩點魂銷訝素影微籠雪堆姑射紫尖輕暈
露滴葡萄漫說酥凝休誇菽發玉潤珠圓比更饒開襟處正粉香
欲藉花氣難消 當年初捲芳髻奈墳起逾豐漸欲高見浴罷銅
窪羅巾掩早圍來繡袜錦帶拴牢逗向瓜期褪將裙底天壤何人
吮似醪幽歡再為嬌兒拋下溼透重綃楊如裙腰褪露一乳祿山云輿溫新剝雞頭肉膩滑疑來塞上酥又祿山醉傷楊如乳古宮妝裙束乳上也漢雜事祕辛胸乳菽發

又美人背

轉去人看側來自顧穩稱停勻見腰袂壓珠搭餘半錦領巾成字
挂下輕雲羞把欄凭惱將身撇俯拜深深總覩真驚迴首是檀郎
偷立欲拍逡巡 浹來紅汗還頻便浴室潛窺此獨親想郎手繞

將柔鄉熨貼妹胸擁著寒夜橫陳翦爪輕搔靠窗閒曝問相應封
號與秦便芒刺怕無端笑指向後紛紛杜詩背後何所見珠壓腰被穩稱身飛燕外傳昭儀
日姊盛忘共被夜長苦寒不成麻使合德擁姊背耶

又美人膝

搖動衣紋蹴開裙衩似鶴仙仙正藕覆交籠垂過素筍花茵盤坐
加上紅蓮蜀國琴橫華山錦蔽補屋纔容也自妍還堪覩為勝常
數四宛曲遷延 有時晝擁牀邊好一任蕭郎做枕眠更愛欲頻
登促來倚席愁教獨抱閣盡吟箋誓月幽窗拈花法座屈向氍毹
較可憐如今見有阿侯旋繞長在伊前楊妃膝衣名藕覆古膝衣蔽膝在席下又唐詩云半睡起來思舊夢見人忘卻道勝常注云即今萬福也古語愛人欲登膝又古樂府盧家少婦名莫愁十六生兒字阿侯

賀新郎 淮陰祠

為漢空奔走歎當年追猴逐鹿終烹功狗留侯曲逆雖陰詐呂雉
之謀多有算此際高皇身後平勃區區都易與怕將軍武悍還如

舊因中禍君知否 國士無雙稱善鬪奈英雄漂母寄餐未央授
首書生於此終疑詫何事英風射斗生死出婦人之手劉郎宮廢
埋荒草喜將軍廟祀終難朽君休信廟通口

又

揚州賀塗公子季朗花燭

花月揚州好正相逢珠袍公子果車來早廿四橋頭簫管沸卻自
羸樓吹到更夾道芳塵縹緲跨鶴求凰今已得訝一釵十萬珠光
繞慶合盃期偕老 蘭膏未盡銀虬杳想今宵帳中懸蛤相看皎
皎侍女添香衣桁畔微聽流蘇聲悄多恐試麻姑仙爪明日高堂
雙獻壽記粧成先佩宜男草何物贊安期棗婦見舅姑贊棗栗

笛家

畫屏

絕少嫌猜偏多愛惜當年嬌小記曾攜手朱樓上一絲新柳一點
明珠淺雲齊覆橫秋雙盼豈惹猶含鴛鴦學寫耐得人端相最憐
伊紅燭下峇茗攜來新餉相向 纔離珠閣輕將紅篆代印迴文
笑捏黃花央描繡樣更是香帶爲郎親結紈扇爲郎親障豈料他

家吹簫作聘幾度多惆悵休迴避算玉釵恩重不須鴛帳

十二時

吳門金孝充來覓妓侑酒

孝章自是難兄也更有孝充難弟蓋向者吾聞之矣今日過予投
刺還恐高軒空題凡鳥倒著中郎履相揖後喜接高談杏雨梧風
都在君家塵尾 更愛君唐詩晉字兼善畫圖酒史席上揮毫樽
前顧曲易得佳人意奈無端邂逅柔鄉恐在夢裏 幸今宵白衣
紅袖將我於中位置但怪座中一般奇事向我稱才子且滿斟高
唱試盡歡焉而已

蘭陵王

別怨

春光削春到歸期怎捺怎郎家兀自萍游廿四橋頭娛芍藥歎芳
華一霎孤負奴年二八堪憐是昨夜東風滿地都將殘花撒 燕
尾池中掠正閒看鴛鴦迎波輕呷茶蘼又把裙句搭待詩題錦字
倩魚相寄韻險愁多還剩押悶把茶蘼嚼 羅韞薰香鴨更峇茗
親煎雲浮綠腳先將榴齒微微刷取繡絨銀翦輕修指甲歸來戲

把檀郎搯風流煞

多麗

為李雲田題周少君寶鑑坐月浣花圖

染吳綃非雲非霧飄飄彷彿見冰輪挂起玉臺小鏡偏高藥欄斜
明妝依約銀牀近素影飄姚手半垂時肩微暉處卻疑懸想思搖
搖還閒倩名花作伴掩映越生嬌卻有箇司花侍女汲水勻澆
看轉過轆轤金井低頭欲避花梢宛相憐星眸對盼如相語粉舌
同調怨寄蓮砧寒侵藕鞵瘦來真是楚宮腰知何日還隨夫婿射
雉向如皋應贏得嫣然一笑盡把愁消

哨徧

送孫無言從廣陵歸黃山

為問先生且住為佳何事成歸計卻道是十載趁萍蹤漫道遙蟬
蟬天地季主簾邊韓休市上閱盡人間世便功業蕭曹文章燕許
不過如斯而已況他家父子是和非問商山何與諸公事白社遺
民黃冠故里尤然遲矣再莫羨揚州佳麗負了山靈誓閣梅隄
柳當年幾下蕪城淚繡瓦宮娥銀牀賓客祇今名姓誰為記天台

可賦蘇門堪嘯奚必江東虎視把芒鞋整頓歸來閒憩向軒皇鑄
鼎舊高臺餌丹砂身名俱避有時來往空庭一二莊生老子儻教
他日少微星耀天上來徵處士好教童子護柴門道先生高眠未
起

蓉渡詞卷下

